

陳氏  
藏本

張氏醫通

上海廣益書局  
印行



中華民國十四年四月付印  
中國華民二十二年七月三版

# 版權

陳氏  
藏本  
張氏醫通

全書二十冊 定價四元

原著者 長洲張璐

校正者 青浦陳蓮舫

發行者 廣益書局

印刷者 廣益書局

總發行者 廣益書局

上海棋盤街

## 分發行所

廣州 永漢北路 南昌 中山馬路  
北平 楊梅竹斜街 長沙 南陽街  
漢口 統一街 開封 書店街

廣益書局

陳氏 本經逢原卷四 藏本

長洲石頑張 璐路玉父纂述

青甫東蓮仿文

蟲部

蜂蜜 甘平無毒。入調補藥用白蜜。瀉火藥用赤蜜。味酸者不堪入藥。凡下利。凡煉蜜。炭火慢煉。掠去浮沫。至滴水成珠為度。煉成每斤入陳酒四兩。再熬。有藥者丸。

令人下利。凡煉蜜。炭火慢煉。掠去浮沫。至滴水成珠為度。煉成每斤入陳酒四兩。再熬。有藥者丸。

服藥力易化。本經主心腹邪氣。諸驚癩瘡。安五藏。補不足。益氣。補中止痛。解毒。除眾病。和百藥。久服強志。輕身。不饑。不老。發明 蜂米無毒之花。醞釀而成。生則性涼。清熱。故能治心腹之邪氣。熟則性溫。補中。安五藏。諸不足。甘而和平。故能解毒。柔而潤澤。故能潤燥。緩以去急。故能主心腹肌肉瘡瘍之痛。仲景治陽明結燥。大便不通。用蜜煎導法。取其能通結燥而不傷腸胃也。凡滋補藥。俱用煉白蜜丸。取其和脾潤肺也。赤蜜味酸。食之令人心煩。惟降火藥用之。白蜜雖補脾肺。然性涼潤。脾胃不實。腎氣虛滑。及濕熱痰滯。胸痞不寬者。咸須忌之。故瓊玉膏用糖霜。枳朮丸用荷葉裹飯。佐金丸用米飯。牛黃丸用蒸餅。黑錫丹用酒麴。慈珠丸用神麴。虎潛丸用酒。香連丸用醋。茸珠丹用紅棗。

丸用米飯。牛黃丸用蒸餅。黑錫丹用酒麴。慈珠丸用神麴。虎潛丸用酒。香連丸用醋。茸珠丹用紅棗。

滾痰丸用水。泛各有所宜。今人修製丸劑。概用蜂蜜。殊失先哲用方之義。

蜜蠟 淡平無毒。本經主下痢膿血。補中。續絕傷。金瘡。益氣。不饑。耐老。發明 蜜成於蠟。萬物之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

之至味。莫甘於蜜。莫淡於蠟。得非厚此薄彼耶。仲景治痢。有調氣飲。千金治痢。有膠蠟湯。蓋有見於

本經逢原

卷四

蟲部

本經之義也。淡為五味之本。胃為五藏之源。故能補中續傷。蓋有得於太極也。甄權治孕婦胎動。下血不絕。欲死。以雞子大一枚。前三五沸。投美酒半升。服立瘥。又能解毒。故蠟磬丸用之。為君。華陀治下痢。食入即吐。用白蠟方寸匙。雞子黃一枚。石蜜苦酒。髮灰。黃連末。各半。雞子殼。先煎蜜蠟。苦酒。雞子四味。令勻。乃納連末。髮灰。熬至可丸。乃止。二日服。盡神効。

露蜂房 苦鹹平有毒。本經主驚癩瘰癧。寒熱邪氣。癩疾。鬼精。蠱毒。腸痔。火熬之良。發明 露

蜂房。陽明藥也。本經治驚癩癧疾。寒熱邪氣。蠱毒。腸痔。以其能祛滌痰垢也。瘡瘍齒痛。及他病用之者。皆取其以毒攻毒殺蟲之功耳。

蠟 蠟一名果蠟。細腰蜂也。辛平小毒。本經治久聾。效逆毒氣。出刺出汗。發明 詩言螟蛉有子。蜾蠃負

之。言細腰之蜂。取青蟲之子。教祝變化成子也。大明治嘔逆。生研。能罾竹木刺。即本經出刺出汗。取其毒之銳。以出其刺也。

蟲白蠟 甘溫無毒。發明 蠟樹屬金。性專收斂。堅強之氣。其葉能治瘡腫。蟲食其葉而成。與桑

螵蛸無異。為外科之要藥。取合歡皮。同入長肉膏中。神效。今人治下疳服之。未成即消。已成即斂。以半兩入鯽魚腹中。煮食。治腸紅神效。

紫釧即紫草茸。甘鹹平小毒。發明 紫釧乃麒麟竭樹上。蟻壤。聚其脂液而成。與蜂釀蜜無異。出希

臘為上。波斯次之。古方治五藏邪氣。金瘡崩漏。破積血。生肌止痛。今人專治痘瘡。有活血起脹之功。無鹹寒作瀉之患。其功倍於紫草。故以紫草茸呼之。實非紫草同類也。

五倍子即川文蛤

苦酸鹹平無毒產川蜀如菱角者佳法釀過名百藥煎每五倍末一斤入桔梗甘草

真茶各一兩為末入哮槽二兩拌和置糠中窰待起如發麪狀即成矣作餅晒乾用發明川文

蛤善收頑痰解熱毒黃昏效嗽乃火氣浮於肺中不宜用涼藥宜五倍五味斂而降之若風寒外觸

暴嗽及肺火實盛者禁用以其專收而不能散也故痰飲內盛者誤用則聚斂於中往往令人脹閉

而死為末收脫肛及子腸墜下百藥煎性浮味帶餘甘治上焦痰嗽熱渴諸病含嚙尤宜煨過主

下血烏鬚髮消腫毒斂金瘡治喉痺口瘡搽之便可進食也

桑螵蛸 甘鹹平無毒桑枝上螳螂子也火炙黃用本經主傷中疝瘕陰痿益精生子女子月閉

腰痛通五淋利小便水道發明桑螵蛸肝腎命門藥也功專收瀆故男子虛損腎衰陽痿夢中

失精遺溺白濁方多用之本經又言通五淋利小便水道蓋取以泄下焦虛滯也桑螵蛸散治小便

頻數如稠米泔心神恍惚瘦悴食少得之女勞者方用桑螵蛸遠志龍骨菖蒲人參茯苓當歸龜甲

各一兩卧時人參湯調下二錢如無桑樹上者以他樹上者濃煎桑白皮汁佐之若陰虛多火人誤

用反助虛陽多致漫赤莖痛強中失精不可不知生研爛塗之出箭鏃

雀甕一名站蜥俗名戴毛 甘平小毒本經主寒熱結氣蠱毒鬼疰小兒驚癇發明雀甕站蜥殼也其

蟲夏生葉上背上有刺螫人故名戴毛秋深葉盡欲老口吐白沫凝聚漸硬在中成蛹如蠶至夏羽

化而出其形有似蜻蜓而翅黑稍闊放子葉上而生站蜥謂雀甕者以雀好食其蛹也入藥惟取石

榴樹上者連蛹炙焙用之蘇頌曰今醫家治小兒驚癇用雀甕子連蟲同白殭蠶全歌各三枚微炒

搗末前麻黃湯調服一字。日三服大效。藏器治小兒撮口不得飲乳。但先務口傍見血。以雀甕打破取汁塗之。

原蠶蛾 鹹溫小毒。取末交雄蛾紙封焙乾。拌椒密藏則不蛀。本經主心腹邪氣起陰痿。益精氣強志生子。好顏色。補中輕身。發明 蠶之性稟淫火力專助陽。其子在臘月中。非以重鹽鹽透。水漬曝乾。則繭不能繅。絲出子之後。非桑不食。本經主心腹邪氣。皆桑之餘力。猶殭蠶之治風疾。蠶繭之療癰腫。蠶沙之去風濕耳。其起陰痿。益精氣。強志生子。即別錄之益精氣。強陰道。交精不倦。亦能止精。若合符節。好顏色。令人面色好之。互辭。補中輕身者。以其善補真陽。陽主輕捷故也。詳參經旨。洵為原蠶主治無疑。奈何集本草者。悞列樛雞之下。敢力正之。

白殭蠶 鹹辛平無毒。色白者良。入藥惟取直者為雄。去黑口及絲炒用。本經主小兒驚癇。夜啼。去三蟲。滅黑黧。令人面色好。男子陰瘍病。發明 殭蠶蠶之病風者也。功專去風化疾。得乎桑之力也。本經治驚癇。取其散風疾之力也。去三蟲滅黑黧。男子陰瘍。取其滌除浸淫之濕。三蟲亦濕熱之蠹也。凡咽喉腫痛。及喉痺用此。下咽立愈。其治風疾。結核頭風。皮膚風疹。丹毒作瘡。疔蝕金瘡。行腫風疾。皆取散結化痰之義。

蠶繭 甘溫無毒。發明 蠶繭治癰腫無頭。燒灰酒服。次日即破。煮湯治消渴。繅絲湯及絲綿煮汁。功用相同。

蠶退即馬明退 甘平無毒。即老蠶眠起所蛻皮。入藥微炒用。今以出過蠶之紙為馬明退。非也。發明

蠶非桑葉不生。得東方木氣之全。故能治風病血病。而蛻治目中翳障。較之蟬蛻更捷。惜乎時難見。蠶沙。甘辛溫無毒。微炒用。發明。蠶沙療風濕之專藥。有人病風痺。用此焙熟。縮包麩之。治爛弦風眼。以麻油浸蠶沙二三宿。研細塗患處。過宿即愈。蠶沙置酒罈上泥好。色清味美。然惟晚者為良。早蠶者不堪入藥。以飼時火烘。故有毒也。

九香蟲

鹹溫無毒

發明

九香蟲產貴州。治膈腕滯氣。脾腎虧損。壯元陽攝生方。烏龍丸用之。

雪蠶

甘寒無毒

發明

雪蛆生峨眉。山北積雪歷年不消。其中生此。大如瓠。味極甘美。故能

解內熱渴疾。方物中之最益人者也。

蜻蛉

赤者名赤卒

微寒無毒

發明

蜻蛉生水中。而能煖水藏。強陰蓄精。而赤者性尤

壯熱助陽藥用之。

樗雞

苦平有毒不可近目

去翅足同糯米炒去米用

發明

樗雞厥陰經藥也。能活血散

血。治目翳撥雲膏中與芫青斑蝥同用。亦是活血散結之義。能通血閉。行瘀血。主癩癧。辟邪氣。療網

犬傷。治偏頭風。用紅娘子青娘子各七枚。去翅足炒為末。同葱薑搗塗痛處。周時起泡去之。孫一奎

治血蠱。用抵當丸以樗雞易水蛭。三服血下脹消。形神自復。與薛新甫治水腫椒仁丸中芫青不殊

一走血而下瘀。一走氣而破水。皆峻劑也。綱目以本經原蠶蛾主治。誤列於此。今正之。

芫青

辛溫有毒去翅足同糯米炒去米用

發明

芫青居芫花上而色青。故能泄毒攻積。

破血墮胎。功同斑蝥。而毒尤猛。芫花有毒故也。其治瘋犬傷。消目翳。刮偏頭風。塞耳聾。皆取其毒銳。



也。又治月閉水腫。椒仁丸方用之。

斑蝥。辛鹹溫有毒。去翅足同糯米炒熟。或醋煮用之。本經主寒熱鬼疰蠱毒鼠瘻瘡疽蝕死肌。

破石瘡。發明。斑蝥人獲得時尾後惡氣射出。臭不可聞。其性專走下竅。利小便。故本經言破石

瘡能攻實結而不能治虛秘。不過引藥行氣以毒攻毒而已。但毒行小便必澇痛。當以木通滑石導

之。其性猛毒力能墮胎。虛者禁用。瘋犬傷先於患人頭上拔去血髮二三莖以斑蝥七枚去翅足炙

黃同蟾蜍搗汁服之。瘡口於無風處糊去惡血。小便洗淨髮灰敷之。服後小便當有瘀毒泄出。三四

日後當有肉狗形。三四十枚為盡。如數少再服七枚。若早服雖無狗形永不發也。

葛上亭長。辛溫有毒。去翅足同糯米炒去米用。發明。亭長大毒善通淋及婦人經脈不通。以

五枚研末服三分。空心甘草湯下。須臾臍腹急痛。以黑豆煎湯服之即通。此蟲五六月為亭長。頭赤

身黑。七月斑蝥九月為地膽。隨時變化其毒可知。

地膽。辛溫有毒。同糯米炒去米用。本經主鬼疰寒熱鼠瘻惡瘡死肌破癥瘕墮胎。發明。地

膽有毒而能攻毒。性專破結墮胎。又能除鼻中瘰肉。下石淋。功同斑蝥。力能上涌下泄。

蜘蛛。微寒有毒。其種類不一。惟用懸網者入藥。發明。仲景治陰狐疝氣偏有大小時時上下

者。蜘蛛散主之。以其入肝。性善循絲上下。故取以治疝丸上下之病。別錄治大人小兒瘡疔。又治乾

霍亂服之能令人利。其知得以下泄也。搗汁塗蛇傷效。

壁錢。無毒。發明。生壁間似蜘蛛而形扁。其膜色白如錢。故名。治鼻衄及金瘡出血不止。取蟲

汁注鼻中及點瘡上同人中白等分燒研治疳又治喉痺。

蠍 辛平有毒被螫者以木碗合之即愈去毒及足用亦有獨用其尾者其功尤捷。滾醋泡去鹹炒乾用。發明 蠍產於東方。色青屬水。治厥陰諸風掉眩及小兒胎驚發搐最為要藥。左半身不遂口眼喎斜語言蹇澇手足抽掣瘧疾寒熱耳聾無聞疝氣帶下無不用之。蠍尾膏治胎驚發搐用蠍梢二十一枚麝香少許屢效。東垣治月事不調寒熱帶下有丁香柴胡湯方用羌活柴胡當歸生地丁香全蠍蓋取以散血分之風熱耳。

水蛭 鹹苦平有毒水蛭是小長色黃挑之易斷者勿誤用泥蛭頭圓身闊者服之令人眼中如生烟漸至枯損凡用水蛭曝乾猪油熬黑令研極細倘炙不透雖為末經年得水猶活入腹尚能復生凡用須預先熬黑以少許置水中七日內不活者方可用之。本經逐惡血瘀血月閉破血瘕積聚無子利水道。發明 鹹走血苦勝血水蛭之鹹苦以除畜血乃肝經血分藥故能通肝經聚血攻一切惡血堅積本經言無子是言因血瘕積聚而無子也別錄云墮胎性劣可知昔人飲水誤食水蛭腹痛面黃飲泥漿水數碗乃得下蓋蛭性喜泥得土氣隨出或用牛羊熱血同猪脂飲亦下或以梅漿水多飲則蛭溶化而出也。

蛆 苦寒無毒漂淨炙黃搗細末同糖霜食之。發明 蛆出糞中故能消積治小兒諸疳積滯取消積而不傷正氣也。一法用大蝦蟆十數隻打死置罈內取糞蛆不拘多少河水漬養三五日以食盡蝦蟆為度用麻布紮住罈口倒懸活水中令污穢淨取新瓦燒紅置蛆於上焙乾治小兒疳積腹

大脚弱。腎膜遮睛。每服一二錢。量兒大小服之。無不驗者。勿以其鄙而忽諸。

狗蠅 鹹溫無毒。發明 蠅食狗血。性熱而銳。力能拔毒外出。故治痘瘡倒靨。色黑。唇口冰冷之證。以數枚搗細。醅酒少許調服。聞人規方也。

蟻 蟻微溫有毒。本經主惡血。血瘀痺氣。破折血在脇下。堅滿。通月閉。目中淫膚。青翳白膜。

發明 蟻蟻穴土而居。與蚯蚓不異。故本經所治。皆於血之證。金匱治虛勞。於血。大黃廔蟲丸方用。

之。取其去脇下堅滿也。許學士治筋急。養血地黃丸中用之。亦取其治血瘀也。取汁滴目去翳障。散

血止痛。千金研末。敷小兒臍瘡。加猪脂調治小兒脣緊。經驗方治瘀傷腫痛。肘後搗塗竹木刺。蘇頌

搗汁點喉痺。得下即開。藏器塗遊風丹疹。又治麥芒入眼。以蟻蟻在日上。隔布摩之。芒著布上。即出。

桑蠹蟲 甘溫小毒。色白帶黃。而腹中無穢。按之無水者為真。若頭硬而腹中不淨者。即雜樹內蠹

也。如一時難覓真者。則以載毛殼。煨灰存性代之。發明 桑蠹蟲食木。柔能勝堅。故治痘瘡毒盛。

白陷不能起發者。用以絞汁。和白酒釀服之。即起。但皮薄脚散。及泄瀉畏食者服之。每致駁裂而成

不救。不可不慎。千金治崩中漏下。赤白。桑蠹燒灰溫酒服。亦治胎漏下血效。

桃蠹蟲 辛溫無毒。本經殺鬼邪惡不祥。發明 桃實中蟲。食之令人美顏色。與桃蠹不異。其

蟲尿能辟溫疫。令不相染。為末水服方寸匕。

蚱蟬 鹹甘寒無毒。本經主小兒驚癇。夜啼。癩病寒熱。發明 蟬主產難下胎衣。取其能蛻之

義。聖惠治小兒發癩。有蚱蟬湯散丸等方。今人只用蛻而不知用蟬也。

蟬蛻 鹹甘寒無毒。去翅足用。發明 蟬蛻去腎膜。取其蛻義也。治皮膚瘡瘍風熱破傷風者炒

研一錢。酒服神效。痘後目昏。羊肝湯服二錢。則腎漸退。更主痘瘡發癢。若氣虛發癢。又當禁服。小兒

夜啼。取蟬蛻四十九枚。去前截。用後截。為末。分四服。鈎藤湯服之。即止。驚啼。加硃砂二字。若用上截

即復啼也。小兒驚癇。夜啼。癇病寒熱。並用蟬腹。取其利竅通聲。去風豁痰之義。較蛻更捷。

蛻螂 鹹寒有毒。去足火炙用。勿置水中。令人吐。本經主小兒驚癇。瘰癧。腹脹寒熱。大人癩疾狂

癆。發明 蛻螂手足陽明足厥陰藥也。本經等治。總不離三經之證。其治暴噎吐食。用二枚。入生

薑內煨。以陳橘皮二錢。同巴豆炒過。去巴豆。將蛻螂陳皮為末。每服二分。吹入喉中。吐痰。二三次。即

愈。又治箭鏃入骨。用巴豆微炒。同蛻螂搗塗。痛定必瘥。忍之。待極瘥不可忍。乃撼動拔之。又燒灰入

冰片少許。治大腸脫肛。搽上。托入。搗丸塞下部。引痔蟲出。盡水瘥。其蛻螂心。貼疔瘡。拔疔。貼半日許。

血盡根出。則愈。然蛻螂最畏羊肉。食之即發。

天牛 甘溫小毒。發明 天牛乃木中蠹蟲所化。楊樹中最多。桑樹中獨勝。長鬚如角。故有天牛

之名。利齒善噬。是有噬桑之號。其性最銳。取治疔腫惡瘡。出箭鏃。竹木刺最捷。與螻蛄不殊。一齒木

而飛。一穴土而出。其穎脫之性則一。如無噬桑他樹上者。亦可。培乾為末。蜜調傅之。

螻蛄 鹹寒小毒。去翅足炒用。本經主產難。出肉中刺。去潰腫。下哽噎。解毒除惡瘡。發明 螻

蛄性善穴上。故能治水腫。自腰以前甚濇。能止大小便。自腰以後甚利。能通大小便。取以治水最効。

但其性急。虛人戒之。本經治難產者。取其下半者。湯服之。則下也。出肉刺。潰癰腫。惡瘡者。生搗塗之。

肉刺即出。瘡腫即潰也。下哽噎者。災末吹之。哽噎即下。非噎膈之謂也。千金治箭鏃入肉。以蜈蚣甘草等分。為末敷之。効。

螢火即爛燿本經名夜光 辛温無毒。本經明目。發明 螢火本腐草所化。得大火之餘氣而成。入胞絡

三焦。能辟邪明目。取其照幽夜明之義。務成子螢火丸。辟五兵白。及虎狼蛇虺之毒。惡鬼疫癘之邪。

龐安常亦極言其効。惜乎世鮮備用。

衣魚即蠹 鹹温無毒。即衣帛書畫中之蠹。碎之如銀有粉者是。本經主婦人疝瘕。小便不利。小

兒中風。項強背起摩之。發明 衣魚主中風項強。摩之即安。驚癩天吊口喎。淋閉服之即愈。皆手

足太陽經病。乃神農本經之藥。古方盛用。今人罕知。合鷹屎白殭蠶。數瘡癩滅。

鼠婦本經名蚱蟻即温生蟲 酸鹹無毒。發明 金匱治久瘧。鼈甲煎丸中用之。以其主寒熱。去瘀積也。古

方治驚癩血病。多用之。厥陰血分藥也。千金治產難遺尿。以鼠婦七枚。熬研温酒服之。瘡瘡倒靨。為

末。酒服一字。即起。又解射干蜘蛛毒。

虻蟲本經名地虻 鹹寒有毒。或去足炒用。或酒醉死。去足搗汁用。本經主心腹寒熱。酒洒。血積癥瘕。

破堅下血閉。發明 虻蟲伏土而善攻隙穴。傷之不死。與陵鯉不殊。故能和傷損。散陽明積血。本

經治心腹寒熱。酒洒亦是積血所致。金匱大黃虻蟲丸。用水蛭虻蟲取其破堅癥。下積血耳。無實結

者勿用。跌撲重傷。焙乾為末。酒服二錢。接骨神効。

蝨蟲即蝨

苦微寒有毒即噉牛血蠅去翅足炒用

本經逐瘀血破血積墜瘡癥瘕寒熱通利血

脈九竅

發明

蝨食血而治血因其性而為用肝經血分藥也本經治癥瘕寒熱是因癥瘕而發

寒熱與蜣螂治腹脹寒熱不殊仲景抵當湯丸水蛭蝨蟲雖當並用二物之純險懸殊其治經閉用

四物加蜣螂作丸服甚良以破瘀而不傷血也苦走血血結不行者以苦攻之其性雖緩亦能墮胎

蟾蜍

皮辛涼微毒肉甘平無毒捕取風乾泥固煨存性用其目赤嘴赤者有毒○一種色青而生

陂澤中者曰鼃與此不同

發明蟾蜍土之精也習土遁者賴之其形大而背多毒磊者是土性

厚重其行極遲土生萬物亦能化萬物之毒故取以殺疔積治鼠癩陰蝕疽癩燒灰傳惡瘡並效弘

景治溫病發斑困篤用以去腸生搗一二枚啜其汁無不瘥者治獾犬傷先於頂心拔去血髮三四

莖即以蟾蜍一二枚搗汁生食小便內見沫其毒即解又破傷風用二枚生切如泥入椒一兩同酒

炒熟入酒二盞乘熱飲之少頃通身汗出而愈發背疔腫初起以活蟾一隻繫定放腫上半日蟾必

昏憤即放水中以救其命再換一隻如前蟾必跟踉再易一枚其蟾如舊則毒散矣其金蟾丸治腫

脹腹滿并治小兒疳勞腹大脰細方用大蟾一隻以砂仁入腹令滿鹽泥固濟煨存性黑糖調服一

二錢匕下盡青黃積莫即愈未盡過二三日再服以腹減熱除為度若莫不能賤注而滴淋不前者

此元氣告匱不可救也

蟾酥

辛溫有毒

發明

蟾酥辛溫其性最烈凡用不過一分齒縫出血及牙疼以紙緋少許搽

之即止蟾酥丸治發背疔腫一切惡瘡拔取疔瘡最捷入外科有奪命之功然輕用能爛人肌肉

蝦蟆 甘寒小毒 本經主邪氣破癥堅壅腫陰瘡服之不患熱病 發明 蟾蜍蝦蟆同類異種

故其功用亦不甚相遠服之不患熱病即弘景治温病發斑困篤之意時珍言古方多用蝦蟆近方

多用蟾蜍蓋古人通稱蟾為蝦蟆而蝦蟆不復入藥矣

鼃俗作蛙 甘寒無毒 發明 時珍曰鼃產於水與螺蚌同性故能解熱毒利水氣但係濕生之物

其骨性復熱食之小便秘淋妊娘食蛙令子壽大小蛙多食令人尿閉臍下酸痛搗車前水飲之可

解戴厚禮云凡渾身水腫或單腹脹者以青蛙一二枚去皮炙熟食之則自消也嘉謨曰時行面赤

項腫名蝦蟆瘟以金線鼃搗汁水調空腹頓飲極效

蝌斗 發明 蝌斗生水中蝦蟆子也有尾如魚漸大則脚生尾脫因其所稟之毒未化故藏器取

治火熾熱毒及腫瘍瘡並搗碎傅之或化水塗之或配入敷藥中並效又得效方多用蝌斗陰乾待

桑椹熟等分置瓶中密封懸屋東或搗汁浸埋東壁下百日化泥取塗鬚髮永黑如漆

蜈蚣 辛温有毒火災去足用 本經主鬼疰蠱毒噉諸蛇蟲魚毒殺鬼物老精除温瘧去三蟲

發明 蓋行而疾者惟風與蛇蜈蚣能制蛇故亦能截風厥陰經藥也嶺南有蛇瘴項大腫痛連喉用

赤足蜈蚣二節研細水下即愈又破傷風欲死研末擦牙邊去涎沫立瘥本經言噉諸蛇蟲魚毒悉

能解之萬金散治小兒急驚蜈蚣一條去足炙黃入硃砂輕粉乳汁為丸服少許即安雙金散治小

兒天吊日久不下口噤反張蜈蚣一條酥炙去頭足入麝香為末以少許吹鼻至眼合乃止若眼未

下再吹之小兒撮口刮破舌瘡蜈蚣末敷之千金治射工毒瘡蜈蚣炙黃為末敷之小兒充瘡蜈蚣

浸油漆之。直指方治痔瘡疼痛。蜈蚣炙末入片腦少許。唾調敷之。急救方治溫瘧。洒酒時驚涼膈散。加蜈蚣蠍尾服之。摘要治婦人趾瘡。甲內雞眼及惡肉突出。蜈蚣一條去頭足焙研入麝香少許。去硬蓋攤烏金紙留孔貼上。一夕即效。如有惡肉。外以南星末醋和傅四圍。其祛毒之功。無出其右。

蚯蚓即地龍 鹹寒小毒。白頸者良。解熱毒。入鹽化水用。通經絡。炙乾用。本經主蛇瘕。去三蟲。伏尸。

鬼疰蠱毒殺長蟲。發明 蚯蚓在物應土德。在星為軫水。體雖卑伏。而性善穴竄。專殺蛇蠱三蟲。伏尸諸毒。解濕熱。療黃疸。利小便。通經絡。故活絡丸以之為君。地龍湯治痘瘡脾腎虛熱。嬌紅五六

日漸變乾。紫伏陷者。同葶藶搗和酒釀服之。即起。若乾紫色黯皮堅。為肝脾血熱。即宜犀角紫草黃連清解。非地龍所宜。溫病大熱狂妄。天行大熱。和人尿搗絞服之。熱毒從小便而去也。小便暴秘不

通亦宜用之。入葱化為水。療暴聾。

蝸牛 鹹寒小毒。發明 蝸牛生下濕地。陰雨即出。至陰類也。治諸腫毒痔漏。制蜈蚣蠍毒。諸毒研爛塗之。取其解熱消毒之功耳。其形尖小而緣桑上者。謂之緣桑蝸。治大腸脫肛和豬脂塗

之立縮。此蠱諸木上皆有。獨取桑上者。正如桑螵蛸之義。

龍蛇部

龍骨 甘平無毒。粘古色白者良。煨赤水飛用。飛之不細粘著腸胃。令人寒熱。本經主心腹鬼疰

精物老魅。效逆泄痢膿血。女子漏下。癥瘕堅結。小兒熱氣驚癇。發明 瀝可以去脫龍骨入肝斂

魂。收斂浮越之氣。本經主心腹鬼疰精魅諸疾。以其神靈能辟惡氣也。其治效逆泄利膿血。女子漏



下。取瀉以固上下氣血也。其性雖瀉。而能入肝破結。癥瘕堅結。皆肝經之血積也。小兒熱氣驚癇。亦肝經之病。為牛黃以協濟之。其祛邪伐肝之力尤捷。許洪云。牛黃惡龍骨。而龍骨得牛黃更良。有以制伏之心。其性收陽中之陰。常走足厥陰經。兼入手足少陰。治夜夢鬼交。多夢紛紜。多寐泄精。衄血吐血。胎漏腸風。益腎鎮心。為收斂精氣要藥。有客邪則兼表藥用之。故仲景治太陽證。火劫亡陽。驚狂。有救逆湯。火逆下之。因燒針煩躁。有桂枝甘草龍骨牡蠣湯。少陽病誤下驚煩。有柴胡龍骨牡蠣湯。金匱治虛勞失精。有桂枝加龍骨牡蠣湯。千金方同遠志酒服。治健忘心中忪。以二味蜜丸。硃砂為衣。治勞心夢泄。梅師同桑螵蛸為末。鹽湯服二錢。治遺尿淋瀝。又主帶脈為病。故崩帶不止。腹滿。腰溶溶若坐水中。止瀉藥中加用之。止陰瘧。收濕氣。治休息痢。久痢脫肛。生肌斂瘡。皆用之。但收瀉太過。非久痢虛脫者。切勿妄投。火盛失精者。誤用。多致溺赤瀉痛。精愈不能收攝矣。

龍齒 瀉平無毒。煨赤醋淬七次水飛用。形如筆架。重數兩外。光澤如甕。碎之。其理如石。內如龍骨。舐之粘舌者真。亦有微黑。而煨之色如翡翠者。為蒼龍齒。較白者更勝。其小如笋尖。或如指狀者。海獸齒及骨也。叢生如貫眾根者。海馬齒也。舐之亦能粘舌。世多以等類偽充。不可不辨。本經主殺精物。大人驚癇。諸瘕癲疾。狂走。心下結氣。不能喘息。小兒五驚。十二癩。發明 龍者東方之神。故骨與齒皆主肝病。許叔微云。肝藏魂。能變化。故遊魂不定者。治之以龍齒。古方有遠志丸。龍齒清魂散。平補鎮心丸。皆收攝肝氣之劑也。又龍骨以白者為上。取固上氣。以攝下脫。齒以蒼者為優。生則微黑。煨之翡翠可愛。較白者功用更捷。產後血暈為要藥。取其直入肝藏也。予聞神龍蛻骨之說。初



經絡達於病所。凡風濕冷痺之證。因水濕所致。渾身上下。強直不能屈伸。痛不可忍者。於五積散內。加穿山甲七片。全蠍炒十個。薑水煎。熱服取汗。避風甚良。癰疽潰後。不宜服。

石龍子 鹹溫小毒。綱目作鹹寒。誤。產平陽山谷。荆襄等處。其類有四。一種生石間。頭扁身長。尾與身等。長七八寸。大者尺餘。其狀若蛇。而脚似梅花。鱗目五色者為雄。色黃身短者為雌。此物最惜鱗甲。故見人不動。捕之亦不螫人。以其生石間。故本經謂之石龍子。以其善於變易。吞靈吐電。有陰陽析易之義。故字林謂之蜥蜴。楚人名為蝮螈。實一物也。入藥雌雄並用。去頭足。酒浸酥炙用之。入傳屍藥。醋炙用之。一種生草澤間。頭大尾短。身粗。其色青黃。有傷則啣草自敷。故謂之蛇醫。母能入水與石斑魚合。故又名水蜥蜴。不入藥用。一種生人家屋壁。形小身細。長三四寸。色褐斑黑者。謂之蠃蜥。吳俗名為壁虎。以其居壁而善捕蠃蠅也。或云飼之以米。點宮娥臂。故名守宮。一種似守宮。而頭圓身細。長五六寸。色白如銀。通身細鱗。雌雄上下相應而鳴。情洽乃交。蛤蚧也。荆襄嶺澤皆有。而西川產者最勝。捕得成對。線纏炙乾。捲榕樹皮中者是也。以此明辨。方無誤用之失。發明

石龍子為本經中品。而綱目主治中。有別錄。而無本經。豈本經之文有所殘缺歟。抑本經之文。誤註別錄歟。其治五癰邪結氣利小便水道。破石淋下血者。以蜥蜴能吐電祈雨。故治癰淋利水道。是其本性。千金治癰結水腫。屍疰留飲。有蜥蜴丸。外臺治陰積。方用之。皆取其長於利水道耳。按蜥蜴即是石龍。今房術藥中用之。以其興發助陽。而無止瀉之患也。

守宮

一名蠃蜥  
俗名壁虎

鹹寒小毒

發明

守宮食蠃蠅。蠃蠅乃治風要藥。詳守宮所治風症。驚癇諸病。

猶蜈蚣之性能透經絡也。且入血分。故又治血病瘡瘍。以毒攻毒。皆取其尾善動之義。麻城移痘方。治痘出眼目。及正面稠密。用以移痘於不傷命處。其效最捷。觀術士以守宮尾粹為細末。彈熟肉上。其肉便翕翕蠕動。移痘方得非從此悟出。陶弘景云。蠅蚘喜緣籬壁間。以硃飼之。滿三斤。研乾末。以塗婦人臂。有交接事便脫。故名守宮。蘇恭曰。飼硃點婦人臂。謬說也。張華言必別有術。今不傳矣。時珍曰。守宮祛風。石龍利水。功用自別。不可不知。

蛤蚧 甘鹹溫小毒。生嶺南城垣榕樹間。及粵西橫州等處者。長七八寸。蜀中產者。不過五寸。頭圓肉滿。鱗小而厚。形似守宮。鳴則上下相呼。雌雄相應。情洽乃交。兩相抱負。自墮於地。人往捕之。亦不知覺。以手劈之。至死不開。取以曝乾。為房中要藥。即尋常捕得者。功用亦相仿佛。但驗其圓圖成對。捲榕樹皮中者。即真無疑。入藥去頭留尾。酥炙用之。口含少許。疾走不喘者。是其益氣之驗也。發痿吐沫等證。專取交合腎肺之氣。無以逾之。愚按蛤蚧龍子。性皆溫補助陽。而舉世藥肆中。皆混稱不分。醫者亦不辨混用。龍子剖開如皮。身多赤斑。偏助壯火。陽事不振者宜之。蛤蚧則纏束成對。通身白鱗。專溫肺氣。氣虛喘之者宜之。虛則補其母也。

蛇蛻 鹹甘平小毒。火熬用之。本經主小兒二十種驚癇。蛇癩。癩疾。瘰癧。弄舌。搖頭。寒熱。腸痔。蠱毒。發明。蛇蛻屬巽走肝。故本經治小兒驚癇等病。一皆風毒蘊於經中之象。其入藥有四義。一能辟惡。取其性靈也。故治邪辟鬼魅。蠱瘴諸疾。二能驅風。取其性竄也。故治驚癇癩殿。偏正頭風。喉

舌諸疾。三能殺蟲。故治惡瘡痔漏疥癬諸疾。用其毒也。四有蛻義。故治眼目翳膜胎衣不下。皮膚之疾。會意以從其類也。

蚘蛇膽即南蛇 甘苦寒小毒 發明 蚘蛇產嶺南。稟已土之氣。其膽受甲乙風水。其味苦中有甘。

所主皆厥陰太陰之病。其治心腹蠱痛者。蟲在內攻噬也。下部蠱瘡者。蟲在外侵蝕也。濕熱則生蟲。

燥濕則殺蟲。內外施之。皆可取用。更能散腫消血。故直諫之臣。受廷杖者。臨服少許。則血不凝滯於內。又能明目涼血。除疔殺蟲。惜乎難得真者。

白花蛇 甘鹹温有毒。產蘄州者良。禁犯鐵。凡用去頭尾。酒浸酥炙。炭火緩焙。去盡皮骨。此物甚毒。

不可不防。脇有方勝。尾上有拂者真。發明 蛇性竄能引藥。至於風痰處。故能治一切風病。其風

善行數變。蛇亦善行數蛻。所以能透骨搜風。為大風白癩風。風痺驚搐。癩癬惡瘡要藥。取其內走藏

府。外徹皮膚。無處不到也。陰虛血少。內熱生風者。非其所宜。凡服蛇酒藥。切忌見風。開罈時須避其

氣。免致面目浮腫。凡癘風。曾服過大楓子仁者。服白花蛇無效。

烏梢蛇 甘平無毒。劍脊細尾者佳。忌犯鐵器。發明 蛇性主風。而黑色屬水。故治諸風頑痺。皮

膚不仁。風瘙癢疹。疥癬熱毒。眉鬚脫落。癩癬等瘡。但白花蛇主肺藏之風。為白癩風之專藥。烏蛇主

腎藏之風。為紫雲風之專藥。兩者主治懸殊。而烏蛇則性善無毒耳。

蝮蛇 肉大熱。膽微寒。並有毒。發明 諸蛇皆是卵生。惟蝮蛇破母腹出。惡毒尤烈。故以蝮名。其

狀較諸蛇迥異。形短而粗。嘴尖鼻反。故又名反鼻蛇。有頭斑身赤如錦紋者。有黃黑青黑而斑白者。

皆蝮蛇也。有頭扁與土同色而無紋者，土虺也。亦名曰蛇字形相類之誤也。時珍曰：蝮大虺小，其毒則一。抱朴子言：蛇類最多，惟虺中人甚急，即時以刀割去瘡肉，投之於地，其熱如火，須臾毒盡，人乃得活。一種形如蜥蜴，長一二尺者，千歲蝮也。年久脚生，能跳上樹，噬人，噬已還樹，垂頭聽人哭聲，頭尾相類，大如搗衣杵，俗名望板歸，言被其噬必死。專望板歸以備殮具也。蘇頌以細辛、雄黃等分為末，內瘡口中，日易三四次。又以枯蔓根、桂末著管中，密塞，勿令走氣，佩之。中其毒者，急敷之。野談翁方急以黃荊葉搗爛敷之，上皆解救之法。然有用其毒以攻疾厄之毒者，別錄取蝮蛇肉釀酒以療癩疾。蝮蛇膽磨汁以塗蠱瘡，總取殺蟲攻毒之用耳。竊謂攻毒急救之藥頗多，奚必藉此而為異端之術哉！姑存以備解救之法可也。

魚部

鯉魚 甘平無毒。其目能睽動者有毒。藥中有天門冬者勿犯。天行病後勿食。發明 魚性逆水而上，動關翅尾，其力最勞，且目不夜瞑，故釋氏雕木象形以警世之昏惰者。鯉性跳躍急流，故取以治水腫之病。河間云：鯉之治水，驚之利水，因其氣相感也。黃痺脚氣濕熱，孕婦身腫宜之。使血同白蠟煮食，腦髓治耳卒聾，齒治石淋，膽治目赤腫痛，取汁點之。鱗治產婦滯血，燒灰治吐血崩中。十灰散中用之。

鱣魚 本名鮠魚 鮠音渾

甘溫無毒。

發明

鱣魚多蓄池中，飼草而長，與青鱣混雜，故名曰鱣。江湖亦皆

有之。食品之長味也。時珍言：暖中和胃。此指池中蓄者而言。李廷飛言：能發諸瘡。此指湖中獲者而

言。各有至理。膽味苦寒。能出一切竹木刺在喉中。以酒化二三枚。温呷取吐即出。

青魚。肉甘平。膽苦寒無毒。發明。東方色青。入通於肝。開竅於目。故膽有點目治翳之功。肉有

補肝逐水之用。同茱白煮食。治脚氣疼腫。目睛生汁。注眼能黑。夜視物。以其好噉螺蜆。螺蜆能明目

也。乾青魚。膽水磨點喉痺痔瘡。與能膽同功。

鮠魚。本名鱖魚。甘温無毒。發明。池魚大都無毒。兼此魚恒食諸魚之遺。其毒雖少。不無助長濕熱

之虞。有兒白二種。兒者頭大白者腹腴。雖食品之下。而有温中益氣之功。與鱖魚無異也。

闊口魚。本名鮠魚。甘温無毒。發明。鮠生海中。與石首同類。以之剖腹曝乾。亦與石首作鱖無異。以其

領下有骨撐開。故有闊之稱。能開胃進食。下膀胱水氣。病人食之。無發毒之慮。食品中之有益者也。

鰻魚。古名鮠魚。甘温無毒。發明。鰻魚縮項。性不喜動。嚴久喜息土中。故食之能調胃氣。而無動風

發熱之慮。與白魚之性相仿。但無利水之功耳。

白魚。甘平無毒。發明。白魚入肺利水。開胃下氣。金匱治淋病小便不利。滑石白魚散用之。取

其佐滑石以利氣。兼亂髮以破血。血氣通調。而淋瀝止矣。同羹食之。令人腰痛。以其滲泄脾腎也。

石首魚。俗名鰻魚。甘平無毒。乾者名曰鱖。發明。石首魚生鹹水中。而味至淡。故諸病食之。無助火

之虞。與河豚之性稟陰毒迥殊。腦中石鮠。主石淋。腦骨為末。入有嘴壺中薰腦漏。然惟暴患得效。刺

疾切忌油膩。惟白養食之最宜。

鱧膠。鹹平無毒。凡用入丸。切作小塊。蛤粉炒成珠。方可磨末。煉蜜調劑。須待涼用。又不可搗。搗則

粘。難。為。丸。矣。發。明。諸。魚。之。鱠。皆。可。為。膠。而。石。首。魚。者。膠。物。甚。固。故。膏。精。方。用。之。合。沙。菟。蒜。藜。名。聚。精。丸。為。固。精。要。藥。丹。方。又。以。一。味。炒。研。砂。糖。調。日。服。一。錢。七。治。痔。最。良。經。久。痔。自。枯。落。燒。灰。治。產。後。風。搖。破。傷。風。痙。取。其。滋。榮。經。脈。而。虛。風。自。息。也。

勒魚 甘平無毒 發明 勒魚腹下有骨勒人因以得名以其甘溫開胃有宜於老人之說作蝨尤良脊骨治瘰以一寸入七寶飲酒水各半煎露一宿服之

鱒魚 甘溫無毒 發明 鱒魚性補溫中益虛而無發毒之慮其生江中者大而色青味極甘美生海中者小而色赤味亦稍薄觀其暗室生光迥非常魚可比其鱗用香油熬塗湯火傷效

嘉魚 甘溫無毒 發明 此魚食乳水功用同乳食之令人肥健悅澤腎虛消渴勞瘵虛損者食之最宜

鰻魚 此魚骨柔肉脆能益胃氣食之令人肥健腹中子性寒有毒多食令人痢下

鯽魚 甘溫無毒烏背者其味最美以其居濁水中雖肥不無小毒然此恒用食品未嘗見其有毒傷人 發明 諸魚性動屬火惟鯽魚屬土有調胃實腸之功故有反厚朴之戒以厚朴泄胃氣鯽魚益胃氣故大明言溫中下氣保昇言止痢厚腸皆言其補益之功也生搗塗痰核乳癰堅腫以猪

脂煎灰服治腸癰合赤小豆煮汁食消水腫艾油調塗婦人陰瘡同白礬燒研治腸痔血痢入綠礬泥固煨治反胃吐食與胡蒜煨治膈氣痞滿凡煨俱不可去鱗以鱗有止血之功也

石斑魚 有毒 發明 石斑魚生南方溪澗水石處長數寸大不過尺餘有雌無雄二三月與蚺



蜴交合水上。其子毒。令人吐瀉。醫說云。用魚尾草汁少許解之。

鱈魚。俗名銀魚。甘平無毒。發明。鱈魚出蘇松浙江大者不過三四寸。身圓無鱗。潔白如銀。小

者尤勝。鮮食最美。曝乾亦佳。作羹食之。寬中健胃。而無油膩傷中之患。

海粉。鹹寒無毒。發明。海粉色碧微鹹。專行肝腎。云是海中介屬。得東南水土之氣而成。與蜂

之釀蜜無異。土人採得而貨之。以供食品。能散癭瘤。解毒熱。但性寒滑。脾胃虛人勿食。

燕窩。甘平無毒。發明。鳥啣海粉作窩。得風日陽和之氣化。鹹寒為甘平。能使金水相生。腎氣

上滋於肺。而胃氣亦得以安。食品中之最馴良者。惜乎本草不收。方書罕用。令人以之調補虛勞。咳

吐紅痰。每兼冰糖煮食。往往獲效。然惟病勢初淺者為宜。若陰火方盛。血逆上奔。雖用無濟。以其幽

柔無剛殺之力耳。

鱸魚。甘平小毒。發明。鱸魚鬆脆。與石首魚相類。補五藏。益筋骨。和腸胃。治水氣。多食宜人。作

鮓尤良。

鰕魚。甘平小毒。發明。鰕性疎利。有補虛益胃。去腹內惡血小蟲之功。醫說有邵氏女年十八

病勞瘵累年。偶食鰕魚羹。遂愈。正與補勞益胃殺蟲之說相符。鰕治骨鯁。及竹木刺入咽喉。不拘大

人小兒。或入腹刺痛。服之皆出。臘月收大鰕魚膽。懸北簷下。陰乾。遇有梗者。用皂子大酒研。溫服。得

吐則鰕隨涎出。未出再服。以出為度。酒隨量飲。無不出者。如無鰕魚膽。鮫魚青魚。鯽魚膽。用鮮者。酒調服之亦出。

鱧魚即鱧魚俗名里魚

甘寒無毒。發明 鱧性伏土而能勝水。故治水腫。瘵五痔。治濕痺。主脚氣。妊娠

面浮脚腫者。合赤小豆煮食甚効。丹方治水腫腹大。用活鱧魚去腹垢。入獨顆蒜。令滿。外塗濕黃泥。

炭火炙食。屢効。有瘡者不可食。令癢白。

鱧魚 甘平小毒。開噤者為鱧。發明 鱧魚雖有毒。性能補虛益陰。久病勞瘵。宜

之。大便濡泄。勿用。其功專在滋補真陰。殺勞瘵蟲。與蛇同類。故主治亦近之。

鱧魚 甘大溫無毒。發明 鱧魚稟已土之氣。能補中益血。婦人產後惡露淋瀝。腸鳴濕痺。並宜

食之。暴乾煨灰存性。治老人虛痢。大鱧魚重勛餘者。能助勢力。食後遍體發脹。盡力槌之。大力丸方

用能筋虎骨。當歸人參等分為末。酒蒸大鱧魚。取肉搗爛為丸。每日空腹酒下兩許。氣力驟長。鱧魚

血力能助陽。壯年陽道不長。育龜丸用之。方用石龍子。蛤蚧。生犀角。生附子。草烏頭。乳香。沒藥。血竭。

細辛。黑芝。麻。五倍子。陽起石。等分為末。生鱧魚血為丸。硃砂為衣。每日空心酒下百丸。曾有人服此。

得以嗣續宗祧者。不可以房術論也。其尾血療口眼喎斜。同麝少許。石喎塗左。左喎塗右。正即洗法。

其骨燒灰。香油調塗。流火甚効。

甲魚本名鱉魚

甘溫小毒。發明 鱉魚無鱗而有脚。故俗名為著甲。江淮黃河遼海水深處皆有之。

長二三丈。逆上龍門。能化為龍。味極肥美。但發氣動風。和蕎麥食。令人失音。其肝味勝河豚。食之令

人皮膚乾脫。亦動風之驗也。

鱈魚本名鱈魚。生江中。長丈餘。身無鱗。鼻與身等。亦鱈屬也。

甘平無毒。發明 此魚味雖美。而發諸藥毒。動風氣。發一切

瘡疥。久食令人腰痛。服丹石人忌之。勿與乾筍同食。發癩。瘧風。小兒食之。成效嗽及癥瘕。作鮓。雖珍亦不益人。

鱖魚本名鯢魚。即鮓魚。

甘溫小毒。赤目赤鬚無腮者殺人。不可合牛肝食。反荊芥。發明 鱖魚類。蛇。故

能治風。凡口眼喎斜。切活鮓魚尾尖。朝吻貼之。即正。

黃頰魚 甘平微毒。反荊芥。發明 無鱗之魚不益人。發瘡疥。不獨黃頰為然。

江鱈一名鱈魚。 甘平小毒。發明 諸魚皆用翅尾游行。惟鱈不勞翅尾。逐隊齊行。故以命名。種類不一。獨產江水中者。應春而起。味極鮮美。性專降泄。故敗疽痔漏人忌食。諸鱈皆然。

河豚 甘溫有毒。海中者大毒。江中者次之。淡水中者又次之。有大小二種。大者謂之河豚。背淡青

黑無赤斑。腹白而翅傍色黃者可食。小者名斑魚。背脊黑。有文點。多赤色。其毒最甚。以稟蛟龍之氣

最盛也。海人言三月後斑魚得木氣。全盛之時。尤不宜食。其雙尾獨目。翅赤嘴亦異常。背有赤印。額

內無腮。腹中多血。獨腴無膽。皆大毒傷人。製食之法。須去其子與嘴目。及脊中肝內惡血。并去周身

脂膜。則不氣腥。煮忌煤火。及煤炷。落入與荊芥。桔梗。菊花。甘草。附子。烏頭。相反。故食河豚。一日內不

可服藥。河豚子必久漬石灰水中。而後煮食。曾見水浸一夜。大如芡實也。中其毒。則唇舌麻。齧頭旋

目眩。足不任履。行步欹側。急宜探吐。隨覓荻芽。或蘆根。搗汁灌之。橄欖汁。甘草汁。皆可解。又槐花乾

胭脂。等分為末。水調服之。若腹中絞痛。昏迷倒仆者。急用真清灌之。遲則不救。發明 凡物之美

者。謂之尤物。靡不賈毒傷人。如妲己亡殷。夷光傾吳。蒙其禍而不自覺也。河豚嗜鹹。內藏信智。外顯

者。謂之尤物。靡不賈毒傷人。如妲己亡殷。夷光傾吳。蒙其禍而不自覺也。河豚嗜鹹。內藏信智。外顯

文刺穿口巨腹陰毒內蓄可知凡陰毒之物必藉陽氣而為鼓舞得春升之令而浮游水面非信而何散子必入淡水既生必歸巨海非智而何得鹹則肥得淡則瘦所以淡水中者其毒漸解而不致傷人之甚也以其味美人爭食之春初最為貴品其腹腴呼為西施乳南人有云凡魚之無鱗無腮無膽有聲目能瞋者皆有毒河豚目能開闔觸之則曳曳有聲嗔怒則腹脹如越浮起水面故人得以取之其毒入肝助火莫有甚於此者患癰瘍脚氣人切不可食助濕發毒動風其患最速惟取其子同蜈蚣燒研香油調搽疥癬有效抉其目拌輕粉埋地中化水拔婦人脚上雞眼瘡可以脫根

江豚 鹹腥無毒 發明 江豚形如水牛藏器雖有飛屍蠱毒瘡瘻之治從未見有用之者以之熬油點燈照檣蒲則明讀書紡織即暗俗言嫵婦所化也

比目魚 甘平無毒 發明 比目形如箬葉故俗以是稱之爾雅所謂東方有比目者是也各魚一目相並而遊今吳中崑山最多孟詵雖有補中益氣之說而多食動氣亦是助濕生熱之故此必溺於伉儷者之所化也

鮫魚一名沙魚 甘鹹平無毒 發明 鮫魚生南海背皮粗錯可飾刀靶其肉作膾補五藏皮治屍疰

蠱毒 燒灰解鯀鯀魚毒

烏賊骨即烏鰂骨俗名海鯨鮑 鹹微溫無毒 發明 烏鰂骨厥陰血分之藥兼入少陰其味鹹而走血故

治血枯血癢經閉崩帶陰蝕腫痛丈夫陰腫下疳疔疾厥陰本藥也寒熱瘧疾蠱癭少腹痛陰痛厥陰經病也目腎流淚厥陰竅病也厥陰為藏血之室少陰為隱曲之地故諸血病陰病皆治之按素

問云有病胸脇支滿妨於食病至則先聞腥臊臭出清液吐血四肢清目眩時時前後血病名曰血枯得之年少時有所大脫血或醉入房中氣竭肝傷月事衰少不來治之以四烏鯽骨一蕙茹為末丸以雀卵大如小豆每服五丸飲以鮑魚汁所以利腸中及傷肝也觀此入厥陰血分可知

鮑魚 辛臭温無毒 發明 鮑魚腥穢可淡曝而不可著鹽乾則形如塊肉常取腥穢以滌一切

瘰癧同氣相感也入肝散血煮汁送四烏鯽一蕙茹丸治女子血枯經閉內經用以療傷肝利腸而不傷伐元氣惜乎世罕用之今庖人用以煮肉則脂沫盡解滌除垢膩之驗也秦始皇死沙邱會者屍腐令輶車載鮑魚以亂其臭始皇本呂不韋萌孽國則宮幃非取其滌除遺臭之義歟

海馬 甘温無毒 發明 海馬雌雄成對其性温暖有交感之義故孕婦帶之於身臨時煨末服之并手握之云易產又陽虛房術多用之可代蛤蚧之功也

鰕俗作鰕 甘温小毒 鰕無鬚腹下通黑色者食之傷人 發明 鰕性跳躍生青熟赤風火之象生搗敷小兒赤白遊風絞汁入藥托腫吐風痰皆取風能勝濕也製樂壯陽取熱能助火也白者下乳汁專入氣分也

介部

龜板本經名曰神屋 鹹甘平小毒入藥取腹去背酒浸酥炙或熬膠用色黑產水中者為水龜其色黃出

山者為秦龜秦龜不入補腎藥一種呬蛇龜腹折見蛇則呬而食之其性最毒不可誤用方書皆用灼過敗龜之版取其用過無關生命也世以自死龜殼為敗既死精氣已脫取用何益誤服反受其

毒以其為蛇虺所傷也。今藥肆所賣龜膠。每以鹿角膠脚冲入則易凝結。亦有以黃明膠和入者。凡製膠須去背甲。以淨腹版水浸去外衣。則膠無腥濁之氣。本經主漏下赤白。破癥瘕瘰癧。五痔陰蝕。濕痺四肢重弱。小兒顛不合。發明 龜稟北方之氣而生。乃陰中至陰之物。常行任脈。上通心氣。下通腎經。故能補陰治血治勞。大凡滋陰降火之藥。多寒涼損胃。惟龜版炙灰則益大腸。止泄瀉。故漏下赤白。亦能療之。其治小兒顛不合。專取滋水堅骨之功。牙龜之所主。其破癥瘕瘰癧。五痔陰蝕。濕痺重著。皆秦龜之功用。以能入脾經。治風濕也。時珍云。龜鹿靈而壽。龜首常藏向腹。能通任脈。故取其腹以補心。補腎。補血。皆養陰也。鹿鼻常反向尾。能通督脈。故取其角以補命門。補精補氣。皆養陽也。觀龜甲所主之病。皆屬陰虛精弱。腰脚痠痿。可心解矣。燒灰酒服。治痘瘡。又合鹿角灰等分。入四物湯服。治血崩。災末酒服。主風痺脚弱。燒灰傅小兒頭瘡。婦人陰瘡。鱈魚血調塗流火濕瘡。但胃虛少食。大便不實。及妊娠禁用。以其無陽生之力耳。膽汁苦寒。治痘後目腫。經月不開。取汁點之。良。溺滴耳治聾。點舌下。治大人中風舌瘖。小兒驚風不語。摩胸背治龜胸龜背。欲取其溺。以猪鬃刺其鼻即出。

玳瑁即瑁 甘寒無毒。入藥生者良。發明 玳瑁入心主血。有解毒解熱之功。故蘇頌以之磨汁服。解毒。日華破癥結。消癰毒。止驚癇。士良療心風。解煩熱。行血氣。利大小腸。時珍治傷寒熱結狂言。解毒清熱之功。等於犀角。同犀角解毒。痘毒。痘瘡黑陷。乃心熱血凝。用生犀玳瑁磨汁。入猪心血少許。紫草湯調服。則熱解血和。而臨痘起矣。但虛寒而陷者勿用。

鼈甲

一名上甲

鹹平無毒。九肋七肋者佳。以其得陽數也。然多有插去下肋偽充七肋者。亦有半邊隻

肋。半邊隻肋者。此團魚與鼈交合而生。不若純隻肋者為優。醋煨酥炙。各隨本方。治瘧母。淋灰湯煮

糜如飴用。鼈用大者力勝。鼈用小者力優。妊婦勿食鼈肉。與鳧菜鴨卵合食尤忌。本經主心腹癥

瘕。堅積寒熱。去痞疾息肉。陰蝕痔核惡肉。發明 鼈色青入厥陰肝經。及衝脈。為陰中之陽。陽奇

陰偶。故取隻肋為肝經之嚮導。其所主者。瘵瘧瘵母。虛勞寒熱。癥瘕痞疾。經水陰瘡。不出本經。主治

也。凡骨蒸勞熱。自汗皆用之。為其能滋肝經之火也。與鼈甲同類。並主陰經血分之病。鼈用腹。腹屬

腎。鼈用肋。肋屬肝。然究竟是削肝之劑。非補肝藥也。妊婦忌用。以其能伐肝破血也。肝虛無熱。禁之

煨灰研極細末。療湯火傷。皮綻肉爛者。並効。乾則麻油調敷。濕則乾搽。其痛立止。其鮮火毒瘡膏蒸

殺瘵蟲之功。可默悟矣。鼈頭燒灰。酒服療小兒脫肛。婦人陰脫下墜。取其善縮之性也。生血塗尤効。

沈聖符曰。食品中惟鼈最為巨測。其間多有大毒。不減河豚者。如三足兩頭。人所共棄。項強腹赤。毒

可傷人。予隣余子坦。曾見蛇盤屢跌而成鼈者。四生之中。物物皆有變化。無足異也。且有鼈寶生鼈

腹中之說。說者以為誕妄。姑置罔聞。近日楓江吳氏。買一鼈烹之。輒作人言。其家以為怪也。添火烹

之。剖腹果得一物。約長三寸。鬚眉宛然。聖符邀予往看。驗其鼈形。背高聳起。稍異尋常。聖符屬筆命

記。以為嗜味傷生之警。

鼈甲 甘平無毒。發明 鼈甲炙黃酒浸。治療癰殺蟲。逐風惡瘡。痔瘻風頑疥瘡。功同鼈甲。但鼈走肝。而鼈走脾。故其主治稍有不同。

蟹 鹹寒小毒。未被霜者有毒。多食腹痛泄瀉。生薑紫蘇。豉汁蘆根汁。並可解之。其性喜入蛇穴。得其毒則驟長。故重一觔以上者。誤食殺人。又兩目相向。足斑目赤者。大毒不可食。本經主胸中邪氣熱結痛。噉僻面腫。能敗漆。燒之致鼠。發明 蟹之外骨內肉。生青熟赤。陰包陽象無疑。性常破血。故能續斷絕筋骨。本經主胸中邪氣熱結痛。噉僻面腫。皆是瘀血為患。性能敗漆。今人生搗治漆瘡。塗火燙。皆取散血之意。日華治筋骨折傷。生搗罌之。藏器云。能續斷筋。去殼用黃。搗爛微炒。納入瘡中。筋即連也。可知其功不獨散血而能和血矣。凡物之赤者皆熱。惟蟹與柿性寒。所以二物不宜同食。令人泄瀉發癥瘕。妊娠忌食。以其性專逆水橫行也。其爪為催生下死胎胞衣專藥。千金神造湯治子死腹中。并雙胎一死一生。服之令死者出。生者安。神驗方也。但以一邊運動。一邊沈著者。即是無疑。方用蟹爪一升。甘草一尺。東流水一斗。以葦薪煮至二升。去滓。入真阿膠二兩。令烱頓服。或分二服。若人因不能服。灌入即活。取蟹之散血而爪觸之即脫也。然必生脫者。連足用之。丹方治蓄血發黃。胸脇結痛。而不浮腫者。蟹殼煨存性。黑糖調。無灰酒下三錢。不過數服效。若浮腫者為氣病。無藉於蟹之散血也。婦人乳癰硬腫。蟹殼灰一服即散。又以塗硃燒烟辟臭蟲。薰之即斃。則殺蟲之功。從可知矣。○蟹之相類多種。如蝓蚌攤劍不常見外。其蚶蜆蚶蜆。春時甚多。蚶蜆螯毛無毒。可醢而食。蚶蜆螯毛有毒。悞食令人吐下。又有一種生沙穴中。見人則避者。沙狗也。時珍雖言不可食。今海錯中用之。非蚶蜆之可比也。

蟹 辛鹹平微毒。發明 蟹善候風。外殼內肉。與蟹無異。其血蒼色。其肉鬆脆。亦如蟹臍。能散肝



腎結血。故產後痢不止。及腸風瀉血崩中帶下。用尾燒灰米飲服即止。聖惠方治積年咳嗽。呀呷作聲。用鱉魚殼半兩。貝母桔梗入牙皂末少許。蜜丸噙一丸。嚥汁服三丸。即吐出惡涎而瘥。

牡蠣 鹹平微寒無毒。煨赤用左顧者良。本經主傷寒寒熱。溫瘧洒洒。驚恚怒氣。除拘緩鼠瘻。女子帶下赤白。發明 牡蠣入足少陰。為軟堅之劑。以柴胡引之。去脇下痛。以茶引之。消項上結核。

以大黄引之。消股間腫。以地黄引之。益精收澇止小便。腎經血分藥也。本經治傷寒寒熱。溫瘧洒洒。是指傷寒發汗後。寒熱不止而言。非正發汗藥也。仲景少陽病。犯本有柴胡龍骨牡蠣湯。金匱百合

病變渴。有枯婁牡蠣散。用牡蠣以散內結之熱。即溫瘧之熱。從內蘊驚恚之怒氣上逆。亦宜鹹寒降泄為務。其拘緩鼠瘻。帶下赤白。總由痰積內滯。端不出軟堅散結之治耳。今人以牡蠣澇精。而治房

勞精滑。則慮其鹹降。治亢陽精傷。又恐其斂澇。惟傷寒亡陽汗脫。溫粉之法最妙。其肉糟製。即蠣黃醬也。

蚌 肉甘寒。殼鹹寒無毒。發明 蚌與蛤皆水產。而蛤則生鹹水。色白入肺。故有軟堅積化頑痰之功。蚌生淡水。色蒼入肝。故有清熱行濕。治雀目夜盲之功。蓋雀目則肝腎之病也。初生小兒啞驚。

活蚌水磨墨。滴入口中。少頃下黑。莫而愈。生蚌天水。治湯火傷甚效。古方用方諸水。清神定魄。以大蚌向月取水是也。

真珠 鹹甘寒無毒。發明 珍珠入手足厥陰二經。故能安魂定魄。明目退翳。解疔瘡。及痘瘡

入眼。治耳暴聾出水。研細末吹之。待其乾脫自愈。煨灰入長肉藥。及湯火傷。敷之最妙。然不可著水。

著水則反爛肉。

石決明一名珍珠母

鹹平無毒。九孔者佳。麴裏煨熟。水飛用。反雲母。

發明

石決明味鹹軟堅。入肝

腎二經。為磨腎消障之專藥。又治風熱入肝。煩擾不寐。遊魂無定。本事方珍珠母丸。與龍齒同用。取散。肝經之積熱。須與養血藥同用。不宜久服。令人寒中。非其性寒。乃消之過當耳。

文蛤

鹹平微寒無毒。即蛤蜊之殼厚口。光有紫斑文者。用酸漿水。或醋煮半日許。搗粉用。本經

主惡瘡蝕五痔。

發明

文蛤鹹寒。走足少陰經。為潤下之味。故能止渴利小便。別錄治效逆胸痺。

腰痛脇急。鼠瘻崩中。即本經主惡瘡蝕五痔之義。取鹹能軟堅。入血分也。仲景傷寒太陽病。用水刮

益煩。意欲飲水。反不渴者。及金匱渴欲飲水不止。並用文蛤散。其治反胃吐後。渴欲飲水而貪飲者。

則有文蛤湯。總取鹹寒滌飲之義。

蛤蜊

鹹寒無毒。紫口者良。大都鹹寒之物。皆能清熱。開胃止渴。其殼煨赤。杵粉。能清肺熱。滋腎

燥。降痰清火。止欬定喘。消堅癖。散癭瘤。無不宜之。炒阿膠鱉膠。用之。以其味鹹。能發滯性也。單方治

乳癰。每三錢。入皂角刺末半錢。溫酒調服。治肺癰。一味童便煨研。甘桔湯日進三服。屢驗。然須久時

取枯萸實。和穰子同搗。仍入殼中。懸當風處陰乾。以供一歲之用。否則難於取應也。

蛭

甘平無毒。發明。蛭生江湖中。與蚌蛤相類。閩人以田種之。謂之蛭田。其肉可為淡乾。腸鼻

糟之。以充海錯。婦人產後虛熱宜之。

魁蛤殼

俗名蚶子。即瓦椀子。

肉甘平。殼鹹平無毒。

發明

蚶肉僅供食品。雖有溫中健胃之功。方藥曾未

之及其殼煨灰。則有消血塊散痰積。治積年胃脘瘀血疼痛之功。與鼈甲蝨蟲同為消瘧母之味。獨用醋丸。則消胃脘痰積。觀製蚶餅者。以蚶殼灰泡湯。搜糯粉。則發鬆異常。軟堅之力可知。

車螯一名蝨 鹹冷無毒。發明 車螯是海中大蛤。以其吐氣成樓。故名曰蝨。所謂雀入淮為蛤。鴉入海為蝨者是也。其肉鮮酒毒消渴。殼治瘡腫癰毒。燒赤醋淬為末。同甘草等分酒服。并以醋調敷之。日華法也。

貝子 鹹平小毒。燒赤搗細如麵。以清酒淘過。用白者入氣分。紫者入血分。花者兼入血氣。本經主目醫五癘。利水道。鬼疰蟲毒。腹痛下血。發明 貝生南海。雲南極多。土人用為錢貨交易。因其味鹹軟堅。故本經專主目醫。其治五癘等病。取鹹潤走血之力。千金脚氣丸中用之。專取鹹能破堅之意。雖數十年之疾。靡不克效。以其透入骨空。搜逐濕滯之氣。和諸藥蒸蒸作汗。次第而解之。古方點目用貝子粉。入龍腦少許。有瘕肉。加珍珠末吹點。亦入老醫諸方。紫貝治小兒疳疹目醫。今人以研紙謂之研贏。大者曰珂。亦名馬軻螺。治目消醫。去筋膜努肉。與貝子相類。分紫白煨灰用之。

石蚶一名龜脚 甘鹹無毒。發明 石砌生東南海中石上。蚌蛤之屬。形如龜脚。殼似海螯。與吐蚶等同為海錯。而此稍遜。然其有利小便之功。吐蚶不如也。

淡菜 甘溫無毒。發明 淡菜生鹹水而味不沾鹹。為消癭之善藥。兼補陰虛勞傷。精血衰少。及婦人帶下。理腰脚氣。不宜多食。久食令人陽痿不起。及脫人髮。一切海中苔菜皆然。不獨淡菜也。

海贏一名甲香 鹹平無毒。發明 海贏肉甘寒。食之能止心痛。生螺汁洗眼止痛。經二三十年者。輒

應入黃連末點之尤良。○罽性閉藏能斂香氣。經月不散。獨燒則臭。與沈麝諸香及諸花和蠟煎成者曰甲煎。可作口脂。千金方用之。唐李義山詩。所謂沈香甲煎為庭燎者是也。其殼五色璀璨。為細最精。燒過點眼。能消宿翳。惜乎專目科者罕知。

羸即螺

甘寒無毒。

發明

羸蚌蛤蟹龜鼈之類。皆外剛內柔。稟離火之象。雖居泥水而性寒。治

火熱之毒最捷。用珍珠黃連。欲入良久。取汁注目中。止熱壅目痛。生搗絞汁。和無灰酒飲。治黃輝小便不利。田中大螺。去掩入冰片少許。埋土中一伏時。化水療痔瘡。又搗爛和麝香貼臍上。引濕熱下行。治噤口痢。土牆上爛殼燒灰敷痘瘡。及膿瘡濕毒。生田中者。得土氣多而形大。生水者。得水氣多而形小。其治水腫黃瘡。目赤腫痛。痔腫脫肛。消渴解酒之功。則一產徽州溪澗中者。其肉青碧可愛。土人取肉焙乾。以充方物。但性冷利。人過食。令人腹痛泄瀉。急磨木香酒解之。

寄居蟲

甘溫無毒。

發明

藏器曰。寄居蟲在螺殼間。非螺也。候螺蛤開。即自出入。螺蛤欲合。已

還殼中。海族多被其寄。南海一種。似蜘蛛。入螺中負殼而行。觸之即縮入螺。火爇乃出。婦人難產。以七枚擣酒服之。或臨產兩手各握一枚。與相思子無異。弘景云。食之益顏色。美心志。惜乎一時不易得也。

即君子

即相思子

發明

相思子狀如螺中之子。大如小豆。藏篋筭積歲猶活。置醋中即盤旋不已。婦

人難產。手把之便生。屢驗。

禽部

本草綱目

卷四

介部 禽部

鶴頂 辛温大毒。發明 鶴食蛇虺而頂血大毒。力能殺人。人之欲求自盡者。服之即斃。而嘉祐又以鶴血益氣力。補虛乏。去風益肺。恐未必然。肫中砂石子磨水服。能解蠱毒。

鶴骨 甘寒小毒。發明 鶴骨治尸症喉痺蛇虺傷。專用其毒。以攻伏匿之毒也。喙及脚骨尤良。卵能預解痘毒。水煮一枚。與芫啞咬之。令不出痘。或出亦稀。與鶴卵同功。

鵝鵝 即鵝 鹹寒無毒。發明 鵝鵝好咬魚蛇及鳥雛。故治疔積有鵝鵝丸。用之為君。治食魚鼈

成瘕者尤效。其骨酥炙。和南蓬砂吹喉。治骨硬。忍之須臾。輕輕咯之。骨與痰涎俱出。

鵝鵝 即鵝 鹹温滑無毒。發明 淘鵝油性走。能引諸藥透入病所。拔毒。故治聾痺腫毒諸病。其

舌治疔瘡。取入心。拔毒外出也。

鵝 白者甘平無毒。蒼者有毒。嫩者尤劣。發明 鵝氣味俱厚。發風發瘡。莫此為甚。別錄謂其性

涼利五藏。是指蒼者而言。韓氏謂其疎風。是言白者之性耳。昔人治癘風方中。取純白鵝通身之毛

及喙足之皮。與肫肝內皮。同固濟。煨灰存性。和風藥用之。為風藥之嚮導也。然不可遺失一處。其處

即不能愈。又不可用雜色者。若有一處色蒼。風愈之後。其處肌膚色黑。此與蛇發風毒。白花蛇善解

風毒之義不殊。白鵝脂祛風潤燥。解礬石毒。血能涌吐胃中瘀結。開血膈吐逆。食不得入。乘熟恣飲

即能嘔出病根。以血引血。同氣相求之驗也。中射工毒者飲之。并塗其身。即解。以其能食此蟲也。尾

脾內耳中治聾。及聾耳。取以達三焦之氣也。涎治誤吞樞芒。亦物性之相制耳。白鵝屎絞汁。治小兒

鵝口瘡。蒼鵝屎傳蟲蛇咬毒。

雁 甘溫無毒。本經主風攣拘急偏枯。血氣不通利。發明 雁為信鳥。豈宜食之。故道家謂之天厭。性善通利血氣。風攣拘急偏枯。取肉炙熟帖之。昔黃帝製指南。於鴈脰骨空中製鍼。取其能定南北也。但覓之不易。今人於鯉魚腦中製之。以其性專伏土。定而不移。可定水土之方向也。

驚鴨即家鴨

甘溫無毒。嫩者有毒。老者無毒。發明

驚之逼火而生。啜水而長。未出卵時。先得火氣。

故不憚冰雪。偏喜淫雨。而尾脰羶濁最甚。故羣雌一被其氣。皆得生化之機。不待驚尾之遍也。溫中補虛扶陽利水。是其本性。男子陽氣不振者。食之最宜。患水腫人。用之最安。黑嘴白毛者。治腸胃久虛。葛可久白鳳膏用之。取金水相生之義。綠頭老鴨。治陽水暴腫。外臺鴨頭丸用之。取通調水道之義。白鴨生血。能補血解毒。勞傷吐血。衝熱酒調服屢効。中射工溪毒。及野葛砒霜毒。灌之即解。悞吞金銀入腹。乘熱頓飲數升。其金即下。諸鴨涎治穀麥芒入喉。及小兒瘰癧風反張。滴之即消。卵能閉氣。以混沌未分。塞人聰慧。諸病忌食。而滯下尤禁。白鴨通殺石藥毒。丸服藥過劑。昏迷眩暈者。取白鴨通一合。湯漬澄清。服之即解。勿以其穢而棄諸。

鳧即野鴨

甘平無毒。發明

鳧逐羣飛。夏藏冬見。與鴻雁不異。其在九月以後。立春以前。味極甘。

美。病人食之。全勝家鴨。以其肥而不脂。美而易化。故滯下泄瀉。喘欬上氣。虛勞失血。及產後病後。無不宜之。雖有安中利水之功。而方藥曾未之及。孟詵除十一種蟲等治。未能深信。摘立方解。挑生蟲毒。取生鳧血熱飲探吐。於此可悟。生鵝血可吐胸腹諸蟲血積。總以血引血。同氣相應之力耳。

雞 甘平小毒。諸雞有五色者。黑雞白首者。六指者。死足不伸者。並不可食。發明 雞屬巽而動。

風外應乎木。內通乎肝。得陽氣之最早。故先寅而鳴。鳴必鼓翅。火動生風之象。風火易動而易散。人之陽事不力者。不宜食雞。是以昔人有利婦人不利男子之說。而東南之人。肝氣易動。動則生火。生疾。病邪得之為有助也。北方陽氣潛伏。最宜發越。病邪得之。便能作汗。以其能助肝氣也。姑以物性之常變言之。諸雞中惟烏骨白絲毛者最良。巽象變坎。得水木之精氣。肝腎血分病宜之。烏骨雞丸。治經癸胎產虛熱諸病。以其峻補肝血也。今人治賊風痛痺。專取五爪烏骨雞。置病人痛處。任其鳴啄。少頃其痛自止。雞之五爪皆有毒。此專取其毒。以引其毒外泄也。丹雉雞。治女人崩中漏下赤白。沃通神明。殺惡毒。辟不祥。中惡魔魅。以血灌鼻。即鮓。中風口眼喎斜。乘熱塗患處。即正。雞冠血。和酒釀調陵鯉甲末。治痘瘡肝熱毒盛。而變青乾紫黑。陷伏。黃雌雞。治產後虛羸。煮汁煎藥最宜。黑雌雞。治妊娠胎息不安。秦和老雞。內托小兒痘瘡。近世治產後虛羸寒熱。亦取用之。以其能助肝經生氣也。雄雞肝。取不落者。研爛。和蜂蠟酒釀頓熟。治小兒疳積壞眼。日服無間。醫盡為度。雞腹脰。俗名雞內金。治食積腹滿。反胃泄利。及眼目障翳。雞卵。治傷寒發狂。效嗽失音。並生食之。以雞卵略敲。損勿令清漏。浸尿中。冬三夏一日。取者食之。治哮喘風疾。雞子清。治伏熱目赤喉痛。雞子黃。治產後胞衣不下。並用生者。又以煮熟。去白取黃。同亂髮香油熬化。塗嬰孩胎毒熱瘡。抱出卵殼。研細為末。去目中障翳。燒反蜜調。塗嬰兒頭身諸瘡。卵殼中白皮。同麻黃紫菀。治久效氣結。嘔雞子。乃不孚之卵。取以同犬屎敷腫瘍。其痛立止。千金方也。雞矢白為散。無反酒下一錢七。治蠱脹腹滿。內經雞矢醴也。澹矢和石灰末塗疔腫。半日許即能拔出。

雉即野雞

甘酸温小毒

發明

埤雅云。蛇交雉則生蜃。蜃為雉入大水所化。推其變化之源。必由

異氣所感。水經云。蛇雉遺卵於地而為蛟。其卵遇雷則入地。不遇雷則仍為雉。於此可悟。其化蜃總

由靈蛇之性未泯。不得山靈之氣。遂其飛騰。則得滄溟之氣。恣其吞吐。是與虹蜺奚擇哉。別錄言其

補中益氣力。止泄痢。除蟻瘻。此指尋常之雉而言。千金以之治蟻瘻。因其喜於食蟻。乃用以制之也。

周禮庖人供六禽。雉是其一。亦食品之貴。然有毒不可常食。有病入尤非所宜。而春夏不可食者。以

其食蟲蟻也。時珍曰。雉屬離火。雞屬巽木。故煮雞則冠變。煮雉則冠紅。火性暴烈。發痔發瘡。與家雞

子同食。令人發症。週身疼痛。為患種種。惡得謂之無毒乎。

烏鴉 酸甘平無毒。種類有四。小而純黑者為烏。大嘴而腹下白者為鴉。並入藥用。其項白而大者

為燕烏。嘴亦而小者為山烏。皆不入藥。發明 慈烏反哺。性稟孝慈。嘉祐雖有補勞治瘦之功。骨

蒸羸弱。效嗽之治。然血肉之中。豈無他味。而忍傷孝慈之物哉。烏鴉嘴大。貪戾傷生。時珍取治暗風

癩疾。勞傷吐血。效嗽殺蟲等病。專取搜逐風毒之用。與慈烏之調補虛羸。各有仁慈剛暴之用。奚啻

天淵。

鵲鵲重

甘寒無毒

發明

鵲性靈慧。能知吉凶。觀其營巢開戶。必背太歲而向太乙。非鴉鳩之

可比。別錄用之。為下石淋專藥。以其鳴必掉尾。取其週身之氣。悉向下通也。藏器有云。燒灰淋汁飲

之。令人淋石自下。蘇頌言。婦人不可食。以其相視情通。音感而孕也。其腦燒之。入酒同飲。令人相思。

蘇頌之說。得非緣此。○鵲重巢。日華取多年者。燒之。療顛狂鬼魅。及蠱毒。仍呼崇物名。號亦數瘰瘡。



千金治婦人難產。取多年生育相安之義。

鷓鴣 甘溫小毒。發明 此物食鳥頭半夏苗。好咬此者。多發咽喉頭腦腫痛。甘草生薑。並可解。

之。唐本言。鷓鴣治嶺南野葛菌子生金毒。及溫瘧久病欲死者。合毛熬酒漬服之。或生搗汁服最良。

日華云。酒服生蠱氣欲死。孟詵云。能利五藏。益心力。令人聰明。

鷓 甘平無毒。發明 鷓主腹大如鼓。鮮熱結。療小兒疳。按鷓乃蛙化。氣性相同。蛙與蝦蟇。皆鮮

熱結。治疳利水消腫。則鷓之消鼓脹。蓋亦同功。食後下如鵝脂數次即愈。

鵝 鹹平無毒。發明 鵝之品類頗多。惟白者入藥。能解諸藥毒。久患虛羸者。食之有益。調精益

氣。治惡瘡疥癬風瘡。白癩風。療癰瘍。風者。熟酒服。無不宜之。鵝卵能稀痘。其矢氣嗅之。能殺瘡蟲。虛

勞家咸多畜之。

鶯 俗作鶯。即黃鸝。月令名倉庚。 甘溫無毒。發明 此鳥感春陽先鳴。故能補益陽氣。食之令人不妒。以陽和

之氣。能勝陰毒也。按陽熨止妒論云。梁武帝郁后性妒。或言倉庚為膳。療治。遂令食之。妒果減半。

雀卵 甘溫無毒。服木人忌食。發明 雀屬陽而性淫。故能強壯陽事。火衰陰痿。精寒者最宜。陰

虛火盛者禁用。雀卵治血枯。素問有四鳥鱗骨一薦如丸。用之最妙。如無雀卵。生雀肝代之。頭血主

雀盲。腦用綿裏塞耳治聾。雄雀屎名白丁香。去目中醫膜。及面上黚黑。但取直者即雄。與假鼠糞無

異。入藥有效。

伏翼 即蝙蝠。屎名夜明沙。 鹹平無毒。伏翼煨反用。夜明砂淘淨焙用。本經主目瞑癢痛。明目。夜視有精光。

其尿治面癰腫。皮膚洗時痛。腹中血氣破寒熱積聚。除驚悸。發明。本經治目暝。瘰癧。用伏翼。近世目科。惟用夜明砂。鮮有用伏翼者。要皆礙陰肝經血分藥也。其伏翼尿能破結血消積。故目醫盲障。瘰癧。淋帶。瘰癧。瘰癧。瘰癧。皆用之。然蝙蝠食之。大能利人。稍虛者不可輕用。

五靈脂

即寒號蟲矢  
又名鷓鴣

苦酸寒小毒。研細酒飛去砂石晒乾。生用則破血。炒用則和血。發明。鷓鴣

鳴候時鳥也。晉地有之。春夏羽儀豐盛。冬時裸形。晝夜哀鳴。故楊氏丹鉛錄謂之寒號蟲。屎名五靈脂。謂狀如凝脂。而受五行之靈氣也。其氣腥穢。其味苦酸。大傷胃氣。綱目言其甘溫。恐非正論。雖有治目醫中腕疼痛之功。惟藜蘆庶可應用。終非膏粱所宜。同蒲黃名失笑散。治一切心胸腹脇少腹諸痛。及產後結血血崩。目中生翳。往來不定。其性入肝。散血最速。但性極羶惡。脾胃虛者不能勝其氣也。

斑鳩

甘平無毒。發明。斑鳩補腎。故能明目。治虛損益氣。食之令人不噎。目科斑鳩丸。錦鳩丸

用之。取氣血為引導。以助補腎明目之功也。

伯勞 平有毒。發明。方藥未有用者。其毛治小兒繼病。俗作魃病。取毛帶之。繼病者母有娠乳

兒。兒病如瘡。他日相繼腹大。或痿或發。他人有娠相近。亦能相繼也。北人未識此病。

鸚鵡

俗名  
八哥

甘平無毒。發明。鸚鵡目和乳汁滴目。令人目明。能見霄外之物。甚言明目之効耳。

肉治噎逆及五痔止血。並炙熟食之。

啄木鳥

甘酸平無毒。形色與畫眉鳥相似。但頭頂有紅毛一片。嘴與爪皆堅銳如鐵。故能啄木取

蠹不可不辨。發明 啄木性專殺蟲。故能治人臧府積蟲之患。時珍治勞瘵癆瘵。皆取制蟲之義。燒灰存性。治痔漏蟲。管納孔中。不過二三次愈。丹方治噎膈。諸藥不效。以之熬膏。入麝香一錢七。晝夜六時嗅之。膈塞自開。蓋噎膈多有因鬱積所致。以其善開木鬱之邪也。

鷓鴣即水老鴉 酸鹹溫微毒。或云鹹寒誤。發明 鷓鴣性寒利水。能治腹大如鼓。體寒者。以鷓鴣燒

存性為末。米飲服之。其骨煨灰。蜜調綿裹。治魚骨鯁。與白鷺骨同功。嘴骨尤効。○鷓鴣屎多在石上。

色紫如花。就石刮取。名蜀水花。能去面上黚黑。鱗瘕。滅癩疔。及湯火瘡痕。和豬脂敷。疔瘡。

鷹屎白 微寒無毒。本經主傷撻滅癩。發明 虎嘯則風生於地。鷹揚則風動於天。具體雖殊。

機應則一。鷹具雄健之翮。不能長恃無虞。至秋火伏。金生。令行改草。勁翮漸脫。弱翎未振。即有雄風。

未遂奮揚。是以眾鳥侮之。月令所謂鷹乃祭鳥是也。古聖觸物致思。專取鷹之屎白。滅傷撻痕。雖取。

穢惡滌清。實取其翮之善脫也。後人推而廣之。用以滌除目中宿翳。吹點藥中。咸取用之。其屎中化。

未盡之毛。謂之鷹條。入陰丹陽丹。不特取其翮之善脫。以治難脫之病。并取其屎中未化之羽。以消。

目中未脫之翳。穎脫之妙用。崇古未宣。因顯示後起。毋失本經取用之義。

鵬 溫小毒。發明 鷹鴞鵬骨。皆能接骨。以鷲鳥之力在骨。故以骨治骨。從其類也。折傷斷骨。燒。

灰。每服二錢。酒下。在上食後。在下食前。骨即接如初。但在三日內者易治。三日外則難治。以氣血凝。

滯不能合轍也。

鷓鴣 鹹平小毒。發明 鷓鴣頭治頭風目眩。顛倒癩疾。千金治頭風眩轉。面上游風。有鷓鴣頭酒。聖惠。

治旋風眩冒有鵠頭丸。總取旋風健搏之力。

鵠 甘溫小毒。發明。鵠治風癩噎食。取初生無毛者一對。黃泥固濟煨存性為末。每服一匙。溫

酒服之。頭生痘瘡黑陷。用臘月者燒反。酒服之當起。

鴟鵂俗呼貓頭鷹 酸微鹹小毒。發明。鴟鵂不祥之物。古方罕用。近世治傳屍勞瘵。專取陰毒之味。

以殺陰毒之蟲也。方用鴟鵂酒煮焙乾。同大鰻鱧七條攤薄。荷上蒸爛。和薯蕷一觔。搗焙細末。為丸。

空腹酒下三錢。功用與獾肝彷彿。方士用以昏夜露者。以聚鬼魅。是以至陰之味。誘至陰之物也。

鴆 大毒。發明。鴆產蠱毒瘡癘之鄉。鍾毒最烈。非宿攢柳不能自安。以其無枝。人莫能捕也。人

欲求自盡者。以翅羽調酒服之。立斃。與鶴頂之毒無異。別錄云。鴆喙殺蝮蛇毒。時珍言。蝮蛇中人。刮

末塗之即愈。如極惡之人。有以用之。未嘗不解毒救急也。

獸部

猪 甘平無毒。同驢馬肉食之。令人霍亂。同羊肝食之。令人心悶。與生胡荽同食傷人臍。發明

猪屬水獸。性獷善淫。飽食無所用力。周身脂膏不流。故人食之。助濕生痰。莫此為甚。而肥盛之人尤

非所宜。一種蹄甲白者。有金水相生之象。稍異尋常。鹽漬風乾。製為南腿。有補養脾腎之能。病人食

之。略無妨礙。良非解者之比。丹溪云。猪肉補陽。陰虛者切宜少食。蓋肉性入胃。便作濕熱。生痰。疾生

則氣不降。而諸證作矣。故痰嗽家最忌。然肺燥乾效。及火嗽痰結者。食之痰即易出。其嗽便止。但不

宜過鹹耳。當知助濕生痰。惟中間膘脂一層。專助脾濕。若皮則走肺。益氣精者。補肝益血。但嫌難尅。

化耳。其汁則全是膘脂。銘化食之。滲入經絡。故東垣言之頗詳。千金治打傷青腫。夾精豬肉搗之。小兒火丹。生豬肉切片貼之。漆瘡作癢。宜啖豬肉。并以豬脂塗之。男女陰蝕。肥豬肉煮汁洗之。不過三十勛瘻。山行石蛭著人足。則穿肌入肉。但以臘脂膏和鹽塗足脛趾。即不著人也。急救方。治竹木刺入肉。以多年熏肉切片包裹。即出其腎性堅難化。且藏淫火。最不益人。而治腎虛腰痛。豬腎切開。入人參末一錢。濕紙裹煨。每日空心嚼一枚。或入青娥丸中煮食並効。其治水脹。用豬脂丸。使血用藏連丸。皆用以為引藥入病處耳。心。血。治驚風癩癩。蓋以心歸心。以血導血之意。得冰片入心經也。卒中惡死。尾血灌之。取其動而不息之意。并縛豚枕之。即活。蛇入人孔。割母猪尾血。滴入。即出。用肝者。肝主藏血。血病用為嚮導。故脫肛。肝虛雀目用之。脰即三焦。能滌除腎藏邪毒垢膩。故同胡黃連等藥。治癰瘡最捷。用膽者。取其瀉肝膽之火。故仲景白通湯用為嚮導。蓋寒能勝熱。滑能潤燥。苦能入心也。傷寒熱邪燥結。有豬膽導法。又膽汁和香油等分。亦治癰瘡結毒。清晨連服七日。大便下泄。邪毒最捷。未盡。停七日。更服七日。餘邪自盡。屢驗。尿脬。治產婦傷膀胱。急用上好人參一兩。入脬中煮食。日日服之。稍或遲延。氣血衰冷。不可療矣。齒治驚癩。乳能斷酒。千金方用之。其膚者。皮上白膏是也。取其鹹寒入腎。用以調陰散熱。故仲景治少陰病下利咽痛。胸滿心煩。有豬膚湯。予嘗用之。其効最捷。豚卵治陰莖中疾。驚癩。鬼氣蠱毒。除寒熱。貢豚五瘡。邪氣攣縮。豬蹄煮湯去油煎。催乳藥。及醢洗潰瘍。有効。蹄甲。本經治五痔。伏熱在腹中。腸癰內蝕。今日疾外瘡。亦用之。豬腦治風眩。腦鳴。凍瘡。癰疽。塗紙上貼乾。則易之。禮記云。食豚去腦。孫真人食忌云。豬腦損男子陽道。酒後尤不可食。延壽

書云以鹽酒食豬腦。是自引賊也。豬骨燒存性為末。水服方寸匕。治食諸果中毒。又解馬肝漏脯等毒。豬毛燒灰麻油調塗湯火傷。留竅出毒則無痕。豬屎古方取用頗多。千金治患霧氣心煩少氣頭痛。項急起則目眩欲倒。戰掉不安。憎寒微熱。心中欲吐。吐時無物。用新豬屎二升半。內好酒一觔。攪令散。以生布絞取汁。更以綿濾頓服之。即地鋪暖覆臥。面前著火。常令汗出。得汗待其自乾乃起。亦治風勞蠱毒。燒灰治痘瘡黑陷。無價散用之。又衝沸湯蒸麻疹。臨伏即起。總取穢惡以辟不祥之氣。同氣相應之用耳。

狗 鹹酸溫無毒。熱病後忌食。妊婦食之。令子無聲。發明 狗屬土而有火。故夕人履其地。雖卧

必省。天時亢熱。則卧陰地下。元虛人食之最宜。但食後必發口燥。惟啜米湯以解之。敗瘡稀水不斂。日啖狗肉最佳。痔漏人歲久不愈。日食自瘥。凡食犬肉不消。心下堅。或腹脹口乾大渴。心急發熱。妄語如狂。或洞下泄。以杏仁一升。合皮熟研。沸湯三升。和取汁。分三服。利下肉片大驗。狗膽本經主明目。取其夜能見物也。陰莖治傷中陰痿不起。除女子帶下十二疾。狗頭骨煨末。止婦人崩中下痢。取其溫而能散也。狗屎中米名戍腹糧。又名白龍砂。主噎膈風病。及痘瘡倒靨。用此催漿為最。取其性溫熱也。若乾紫黑焦。為血熱毒盛。慎勿誤用。其血能破妖邪。以性屬陽。陰邪不能勝之也。

羊 甘溫有毒。羊類多種。惟白羯者良。胡羊毛捲洮羊毛豐。肉厚皮薄。並可為裘。祥羊項首。羯羊色黃。形羸味薄。不堪供饌。凡煮羊忌用銅器。有宿熱者不可食。大病食之必發熱。瘡家及痼疾家食之必發。以其食百草之毒也。羊肉不可共生魚鮓食。能害人。白羊黑首。食其腦作腸癰。羊肝共生椒食。

之傷人五藏。羊蹄中有白珠者。名羊懸。食之令人癩。羊獨角及四角者。關外有之。皆有毒不宜食。發明 羊為肺家之獸。目無瞳子。周身之氣皆聚於肺。故其氣最腥膻。而性味甘溫。色白補肺。是以昔人有人參補氣。羊肉補形之說。金匱治產後腹中虛痛。及少腹寒疝。並用當歸生薑羊肉湯。專取羊肉之甘溫。煮湯去滓。以助當歸生薑辛散之力。虛滯得以開矣。羊腎治腎虛膀胱蓄熱。胞痺小便淋瀝。痿脹。千金腎澀湯以之為主。羊石子。即羊之外腎。治腎虛精滑。本事金鎖丹用之。羊脬治下虛遺溺。溫水漂淨。入補骨脂。焙乾為末。卧時溫酒服半兩。不過四五服即瘥。羊肝補肝。專主肝經受傷。目無精光之病。膽治青盲目暗。膽開竅於目。膽汁充則目明。膽汁減則目暗。古方碧雲膏。臘月取羯羊膽。以蜜盛滿。懸簷下。待霜出取。藏點眼神效。羊乳潤而且補。反胃人宜時時食之。取開胃。腕潤大腸之燥也。青羊者尤良。羊肺治嗽止渴。久嗽肺虛者宜之。羊膂主反胃止汗。治虛羸小便數。羊脂。生主下痢脫肛。取潤以導之。補中寓瀉也。孰主賊風痿痺。潤肌膚。入膏透經絡。風熱毒氣。婦人產後腹中絞痛。丸劑中最宜。羊脰滌除藏府垢膩。與豬脰同功。而入肺祛痰尤捷。羊骨稟西方堅勁之氣。最銳。得火服以濟之。可以消銅鐵。故煨吞銅鐵者用之。觀磨鏡者。非此不明。其治賊風痺痛。同虎骨煨灰酒服。皆隨痛處取用。羊鬚。燒反敷小兒頭疔。并瘡。螻蛄尿瘡。羊胎。炙乾入藥。亦能補人。與鹿胎紫河車。同入六味地黃丸中。名三胎丸。調補腎虛羸瘦。最為得力。羊血。解石藥毒。外臺云。凡服丹石人忌食羊血。十年一食。前功盡亡。凡服石藥。覺毒發刺。羊血熱飲一升即解。服地黃何首烏補藥者忌之。

殺羊角殺音古黑羊也 鹹平無毒 本經主青盲明目止驚悸寒泄久服安心益氣輕身殺毒蟲入山燒

之辟惡鬼虎狼發明 殺羊與羚羊俱是野獸殺則確猛倍甚角亦起稜與羚羊不殊但色黑如漆

故專伐腎邪辟不祥與羚羊大都彷彿互泰本經此言青盲明目即羚羊之專主明目也此言止驚

悸即羚羊之治魘寐也此言止寒泄即羚羊之去惡血注下也此言久服安心益氣輕身即羚羊之益

氣起陰氣也此言殺毒蟲辟惡鬼虎狼即羚羊之辟蠱毒惡鬼不祥也但此主寒泄本于腎虛不能

攝津彼主惡血注下係于肝傷不能統血而別錄治蠱毒吐血又與羚羊主治相符究其大綱此專

補救腫人彼專消磨醫障一皆證治之常至於燒之辟惡鬼虎狼如此奇突適出意外非尋常之可

擬也

牛 甘溫無毒同猪肉食之生寸白蟲獨肝牛善噉蛇食之傷人春月自死牛肉及生疔牛肉食之

令人瘧急以生甘草煮汁解之剝瘧牛傷手足者令人脹滿急宜解之遲則不救 發明 黃牛肉

補氣與黃耆同功觀丹溪倒倉法論而引伸觸類則牛之補土可心解矣又以黃牛肉取四蹄各五

斤熬膏去滓收乾如鹿膠法名霞天膏主中風偏廢口眼歪斜痰涎壅塞五藏六府留痰宿飲癖塊

手足皮膚中痰核及大病後極虛羸瘦每斤入茯苓四兩煇溶空腹酒服三四錢肥盛多痰者每斤

入半夏翻四兩廣皮二兩丸服大效牛本屬坤土而膽主風木故能鎮肝明目臘月用釀南星末陰

乾歲久多製則苦潤不燥治經絡風痰及小兒驚痰其功不減牛黃牛骨髓補中填骨髓久服增年

能潤澤肌膚黃牛腦和藥治頭風腦漏牛角腮本經下閉血瘀血疼痛女人帶下血崩燻之酒服宗



爽曰。燒灰主婦人血崩。大便下血。血痢。牛血性溫。能補脾胃諸虛。治便血。血痢。一切病後羸瘦。咸宜食之。其醬乃肺系肉團。瓦上焙乾。為末。酒服。治喉痺氣癭。古方多用之。或以製藥。益佳。取引入肺經。以通氣結耳。與猪羊醬。療治不殊。牛齒燒灰。治小兒癩。牛乳補虛羸。止渴。噎膈。反胃。大便燥者。宜之。入生薑葱白。止小兒風熱。吐乳。牛馬肉共生。魚食之。成鼈。瘕。牛尿。治水腫。但胃虛少食。人勿用。牛屎。燒灰。傅小兒痘瘡。潰爛。產寶。治子死腹中。以濕牛糞塗之。牛鬲草絞汁。治反胃。噎膈。取其沾涎之多也。馬 辛溫有毒。綱目作甘涼。非。馬脚無夜眼。白馬黑頭。白馬青蹄者。皆不可食。鞍下肉。食之。殺人。肝亦不可食。以鞭驅之傷。皆聚於肝也。食馬肉中毒。欲死。以香豉杏仁各二兩。蒸熟。杵末服之。或者蘆根汁飲之。發明 按靈樞經云。卒口僻急者。目不合。執則筋縱。目不開。頰筋有寒。則急。引頰移口。有熱。則弛。縱緩不勝收。故僻。治之以馬膏。膏其急頰。以白酒和桂塗其緩頰。以桑鈎勾之。即以生桑灰。置之坎中。高下以坐等。以膏熨急頰。且飲美酒。噉炙肉。不飲酒者。自強也。為之三拊而已。世多不知此方之妙。竊謂口頰。喎僻。乃風中血脉也。手足陽明之經。絡於口。會太陽之經。絡於目。寒則筋急。而僻。熱則筋緩。而縱。故左中寒。則逼熱於右。右中寒。則逼熱於左。寒者急。而熱者緩也。急者皮膚頑。痺。營衛凝滯。治法急者緩之。緩者急之。故用馬膏之甘。于柔緩。以摩其急。以潤其痺。以通其血脈。用桂酒之辛。熱急束。以塗其緩。以收其縱。以和其營衛。以通其筋絡。桑能治風痺。通節。數也。病在上者。酒以行之。甘以助之。故飲美酒。噉炙肉云耳。馬白睛。治癩。癩時發。千金方用之。馬心食之。善忘。馬肺食之。寒熱。姜陽。馬鞍下肉食之。傷人五藏。馬乳祛風止渴。白馬蹄。本經主驚邪。瘕。癩。乳難。辟鬼氣。鬼

毒。蠱。瘰。不。祥。別。錄。止。衄。內。崩。齩。齒。白。馬。者。治。婦。人。白。崩。赤。馬。者。治。婦。人。赤。崩。鬚。毛。主。小。兒。驚。癇。女。子。崩。中。赤。白。隨。其。色。用。之。燒。灰。止。血。塗。惡。瘡。尾。主。女。人。崩。中。小。兒。客。忤。白。馬。陰。瘰。本。經。主。傷。中。絕。脈。陰。不。起。強。志。益。氣。長。肌。肉。肥。健。生。子。野。馬。陰。蠱。食。之。令。人。陰。萎。野。馬。肉。食。之。成。馬。癩。筋。脈。不。能。自。收。持。馬。溺。微。寒。小。毒。治。癩。瘡。有。驗。反。胃。有。蟲。積。者。亦。能。治。之。潰。瘍。著。肉。腐。爛。徹。骨。毒。能。傷。人。馬。矢。煨。風。痺。藥。酒。取。其。透。達。直。入。病。所。也。馬。通。止。血。解。毒。千。金。梅。師。治。吐。血。衄。血。肘。後。治。卒。中。惡。吐。利。不。止。經。驗。治。絞。腸。沙。腹。痛。欲。死。俱。絞。汁。服。之。又。肘。後。治。久。痢。赤。白。聖。惠。治。傷。寒。勞。復。俱。燒。灰。服。之。千。金。治。筋。骨。破。傷。以。熱。馬。屎。敷。之。又。治。破。傷。腫。痛。以。馬。屎。燒。烟。熏。之。聖。惠。治。疔。腫。傷。風。腫。痛。以。馬。屎。炒。熟。熨。之。靈。樞。椒。薑。桂。酒。置。馬。矢。煨。中。助。一。切。藥。力。也。今。人。以。馬。屎。煨。烟。熏。蠶。蟲。臭。蟲。無。不。斃。者。食。馬。肉。心。煩。者。飲。姜。酒。則。解。飲。濁。酒。則。劇。

驢 甘温無毒。綱目作甘涼。發明 驢肉食之動風。脂肥尤甚。日華子言治一切風。是指烏驢

而言。烏驢皮治風補血。東魯阿井水煎膏用之。驢鬚熬膏。能長鬚髮。與馬鬚同功。驢莖強陰壯筋。與

白馬莖同功。驢乳療黃瘰濕熱。止渴。驢尿專於殺蟲。利水止脹。其治噎膈。或單服。或入四物湯服之。

效。驢屎炒熨風腫漏瘡。絞汁主心腹疼痛。治水腫服五合良。

駝峯 甘温無毒。發明 駝峯八珍之一。味雖極美。但能動風。宿有風氣人勿食。駝脂摩風去頑

皮死肌。取熟氣透肉也。

酪 甘平無毒。發明 凡牛羊駝馬之乳。並可作酪。南人惟知熱酒冲食。北人必以熬熟冲茶漿

服大能清胃。不助濕熱。止煩解渴。除心膈熱悶。潤腸胃燥結。摩腫生精血。補虛損。壯顏色。戴原禮云。乳酪血液之屬。血燥者宜食。較之人乳尤勝。以其無怒火滯毒也。華元化云。蛭蝮入耳。以酪灌入即出。  
酥醜一名醜 甘寒。利下無毒。酥酪不可與生魚膾同食。令人腹内生蟲。發明 酥酪醜醜。性皆滑潤。故血熱枯燥之人。咸宜用之。又傷熱失音。用以通聲最妙。凡一切氣血堅韌。筋骨藥俱不可少。但脾胃虛滑者禁用。

阿膠 甘平微溫無毒。辨真偽法。以頂有髮文。極圓整者為真。折之沉亮。不作屑。不作皮。其蛤粉炒成珠。經月不軟者為佳。東阿產者。雖假猶無妨害。其水膠入木煤質造。有傷脾氣。慎不可用。本經主心腹內崩。勞極洒洒如瘧狀。腹腹痛。四肢酸疼。女子下血安胎。久服輕身益氣。發明 阿井本溜水之源。色黑性輕。故能益肺補腎。煎用烏驢。必陽谷山中。驗其舌黑。其皮表裏通黑者。用以熬膠。則能補血止血。本經治心腹內崩。下血安胎。為諸失血要藥。勞證效嗽喘急。肺痿肺癰。潤燥滋大腸。治下痢使膿血。所謂陰不足者。補之以味也。

黃明膠即廣膠 甘平無毒。發明 明膠治吐血衄血下血。血淋血痢。妊娠胎動下血。風濕走注疼痛。打撲傷。湯火傷。一切癰疽腫毒。治血止痛潤燥。利大小腸。皆取其有滋益之功。無滑利之患。

牛黃 苦平小毒。試真假法。指摩透甲。其體輕氣香。置舌上先苦後甘。清涼遠心者為真。喝迫而得者。名生神黃。圓滑外有血絲。嫩黃層多者為上。殺後取者。其形雖圓。下面必扁者次之。在角中者名角黃。心中剝得者名心黃。膽中得之名膽黃。則又次之。產西戎者為西黃。產廣東者為廣黃。本經

主驚癩寒熱熱盛狂癡除邪逐鬼。發明 牛有黃是牛之病也。因其病之在心及肝膽之間凝結成黃。故遂治心及肝膽之病。本經治驚癩寒熱狂癡邪鬼皆痰熱所致。其功長於清心化熱利痰涼驚安神辟惡。故清心牛黃丸以之為君。其風中心藏者亦必用之。若中經中府者誤用引邪深入。如油入麵莫之能出。宜詳審而用可也。

狗寶 甘苦溫小毒狀如白石微帶青色擊碎其理如蟲白臘者真。發明 狗寶專治噎膈反胃之病。取苦能下降溫能開結也。予嘗推廣其用。凡癰疽潰瘍不收癩狂冷痰積結無不可用。惟鬱結傷脾氣血枯槁者誤投則有負薪救火之厄。

獅油 辛溫有毒色微黑者真。發明 獅為百獸之長性最難馴一吼則百獸辟易。爾雅言其食虎豹熊太古言其乳入牛羊馬乳中皆化成水。西域人捕得取其油入膏以供宮人滌除衣垢之用。又能去紙上墨跡。刮少許隔紙熨之即脫。予嘗試用垢雖去而衣易毀紙易脆。僅供一時之用。雖係方物方藥罕用。近世醫師以之治噎膈病。蓋噎膈皆鬱痰瘀積所致。用取滌垢之意。試之輒驗。由是方家爭為奇物。但性最猛利力能墮胎。孕婦忌用。象油亦能去垢滌痰。但不能去墨跡耳。

虎骨 辛微熱無毒。骨取黃潤者良。若帶青黑色乃藥箭射者有毒勿用。酥炙黃脆用之。發明

虎陰也。風陽也。虎金也。風木也。虎嘯風生。木承金制。陽出陰藏之義。故骨能追風定痛。強筋壯骨。風病擊急。骨節風毒為之要藥。虎之一身。節節氣力皆出前足。故膝脛為勝。而前左脛尤良。以臥必用左脛為枕也。然按病之前後左右取用。其效尤捷。入陰陽二躄。虎睛定魄。千金治狂邪。有虎睛湯丸。

並酒浸炙乾用。一時不可得。以珍珠煨末代之。總取定魄之用也。虎膽治反胃吐食。新瓦上煨存性。入平胃散末和勻。空腹白湯服三錢。效。虎頭骨治頭風。藥中浸酒服。作枕止瘧。虎長牙辟邪殺蟲。傳尸方用之。

象皮 鹹溫無毒。發明 象東西方金氣。金令主藏。不宜擅鳴。鳴主金象。大非所宜。其皮專於收斂。其肉壅腫。人以斧刀刺之。半日即合。故治金瘡不合者。用其皮煨存性敷之。若入長肉諸膏藥。切片酥拌炙之。象牙甘寒。能解癰腫諸毒。磨水服之。造筋磨礪之末。生蜜調塗。治諸鐵雜物入肉。舊梳刮薄片屑。溫湯頻服。治竹木刺及諸魚骨鯁。即時吐出不吐再服。以吐出為度。非刮下薄片不能應手也。

犀角 苦微鹹大寒無毒。鑄成以熱手掌摸之。香者為真。臭者即假。忌酒鹽烏附。孕婦勿服。能消胎氣。發明 犀之精靈。皆聚於角。足陽明胃為水穀之海。飲食藥物必先受之。故犀角能涼血散血。及畜血驚狂。斑痘之證。皆取以通利陽明血結耳。別錄治傷寒溫疫。頭痛寒熱諸毒。抱朴子云。犀食百草之毒。及眾木之棘。所以能解毒。凡蠱毒之人。遇有飲食。以犀筋攪之。有毒則生白沫。無毒則否。宗奭曰。鹿取茸。犀取尖。其精銳之力。盡在是也。其治吐血衄血大小便血。犀角地黃湯為之專藥。若患久氣虛。又為切禁。以其能耗散血氣也。痘瘡之血熱毒盛者。尤為必需。然在六七日灌漿之時。又為切禁。以其能化膿為水也。而結痂後餘毒癰腫。則又不忘。惟氣虛毒盛之痘。切不可犯。其性大寒。無大熱邪者。慎不可用。凡中毒箭。以犀角刺瘡中立愈。又感山嵐瘴氣。射工溪毒。用生犀磨汁服之。

無大熱邪者。慎不可用。凡中毒箭。以犀角刺瘡中立愈。又感山嵐瘴氣。射工溪毒。用生犀磨汁服之。

即解。

熊脂肉 甘温無毒。本經主風痺不仁筋急。五藏腹中積聚。寒熱羸瘦。頭瘍白禿。面上疔皰。發

明。熊稟雄毅之性。故其脂可開風痺不仁等疾。可服可摩。但不可作燈。烟氣熏目。使人不能遠視。

本經所主。不出風痺筋急之用。風為陽邪。熊為陽獸。其性温潤。能通行經絡。開通血氣也。熊筋亦能

壯筋強力。與虎骨之搜風壯骨無異。熊肉振羸。其氣有餘。癩病人食之。終身不愈。

熊膽 苦寒無毒。試法取少許研滴水。中掛下如線。直至水底不散者為真。發明 熊膽苦入心。

寒勝濕。手少陰足厥陰藥也。其性潔不染塵。故能清心平肝。為時氣熱感。變為黃疸之要藥。又能殺

蟲明目。除醫障疔痔。蟲牙蚊痛。小兒驚癇瘰癧。以竹瀝化豆大許服之。去心中涎痔瘡赤腫。水化點

之即消。凡實熱之證。用之咸宜。苟涉虛家。便當嚴禁。

麝羊角即羚羊角 鹹寒無毒。鏽碎胸前煨熱令脆。研如粉。不則粘人腸胃。本經主明目益氣起陰。去

惡血注下。辟蠱毒惡鬼。不祥魘寐。發明 羚羊屬木。入足厥陰。伐肝最捷。目暗醫障。而羚羊角能

平之。痘瘡正面稠密。不能起發。而羚羊能分之。小兒驚癇。婦人子癇。大人中風搖擗。及筋寒麻節痛。

而羚羊角能舒之。驚駭不寧。狂越魘寐。而羚羊角能安之。惡鬼不祥。而羚羊角能辟之。惡血注下。蠱

毒疔腫。瘡腫癰癧。產後血氣。而羚羊角能散之。濕熱留滯。陽氣不振。陰器衰痿。而羚羊角能起之。煩

懣氣逆。噎塞不通。鬱為寒熱。而羚羊角能降之。詳本經所主。皆取散厥陰血結耳。愚按諸角。皆能入

肝散血解毒。而犀角為之首推。以其專食百草之毒。兼走陽明。力能祛之外出也。故痘瘡之血熱毒

盛者為之必需。若痘瘡之毒，并在氣分，而正面稠密，不能起發者，又須羚羊角，以分解其勢，使惡血流於他處。此非犀角之所能也。人但知羚羊角能消目翳，定驚癇，而散痘瘡惡血之功，人所共昧。殺羊角治青盲目暗，與羚羊角不殊，而辟除邪魅，蠱毒亦相彷彿。惜乎從未之聞，惟消乳癖，丹方用之。白羯羊角亦能消乳癖，而方家每用琉璃角燈，磁片刮取薄屑，置胸中候脆，杵細酒服，方寸匙，屢效。專取宿腐之味，以消陳積之垢也。其鹿角刮屑，善消虛人乳腫，未潰即消，已潰即斂，即本經主漏下惡血之治。龍角治神魂不寧，功用與龍齒畧同。千金方中有齒角並用者。牛角腮，專主閉血血崩，牛之一身，惟此無用，而本經特為採錄，千金尤為崩漏要藥，可見天地間無棄物也。

山羊血

鹹溫無毒。

苗人以麋竹通節削鋒利活刺，心血收乾者良，罕取者不堪用。

發明

山羊產滇蜀諸山中，性善走逐，好鬪。

肉能療冷勞山嵐瘴痢，婦人赤白帶下，其心血綱目失載，性溫味鹹，為和傷散血之神藥。其治跌撲損傷，單用酒服取醉，醉醒其骨自續，每用不過分許，不可多服，雖不傷耗元氣，而力能走散陰血，然必初患便服，得效最速。若過三五日，血凝氣滯，無濟於治矣。但舉世用者絕罕，間有收取而市者，其價重等於牛黃，且心血絕不易得，滲血丹用之，真虛勞失血之續命丹也。

鹿茸

甘溫無毒，形如茄子，色如瑪瑙者良。紫潤圓短者為上，毛瘦枯縞，尖長生歧者為下。酥炙酒

炙，各隨本方，但不可過焦，有傷氣血之性。火後去頂骨用茸。本經主漏下惡血，寒熱驚癇，益氣強

志，生齒不老。

發明

鹿是山獸屬陽，性淫而遊山，夏至得陰氣而解角，從陽退之象。麋是澤獸屬

陰，性淫而遊澤，冬至得陽氣而解角，從陰退之象。鹿茸功用，專主傷中勞絕，腰痛羸瘦，取其補火助

陽。生精益髓。強筋健骨。固精攝便。下元虛人。頭旋眼黑。皆宜用之。本經治漏下惡血。是陽虛不能統陰。即寒熱驚癇。皆肝腎精血不足所致也。角乃督脈所發。督為腎藏外垣。外垣既固。腎氣內充。命門相火。不致妄動。氣血精津。得以凝聚。扶陽固陰。非他草木可比。八味丸中加鹿茸五味子。名十補丸。為峻補命門真元之專藥。傳尸癆瘵。脊中生蟲。習習痒痛。浙浙作聲者。同生犀鼈甲。入六味丸中。其殺蟲之力。與天靈蓋同功。近世鹿茸與麋茸。罕能辨別。大抵其質粗壯。而腦骨堅厚。其毛蒼黧。而雜白毛者為麋茸。其形差瘦。而腦骨差薄。其毛黃澤。而無白毛者為鹿茸。鹿茸補督脈之真陽。麋茸補督脈陰中之陽。不可不辨。

鹿角膠。甘微鹹。溫無毒。河南者味甘。溫為上。泊上者味鹹。辛為下。又生成對者力勝。解下單角力薄。凡角大而毛色淡白者。即為麋角。能補陽中之陰。熬膠法。取角寸截。用長流水浸三日。刮淨。入黃蠟煮三日。夜乾。即添水。三日夜足。去角取汁。重煎。滴木不化。膠成切片。陰乾。不可日晒。晒則融化成水矣。今市者多以黃明膠加楮實偽充。不可不察。取嫩角寸截。置小罈中。酒水相和。盆蓋泥封。糠火煨三伏時。搗細如霜。名鹿角霜。本經主傷中勞絕。腰痛羸瘦。補中益氣力。婦人血閉無子。止痛安胎。久服輕身延年。發明。鹿角生用則散熱行血。消腫辟邪。熬膠則益陽補腎。強精活血。總不出通督脈補命門之用。但膠力稍緩。不能如茸之力。峻耳。互參二條經旨。乃知茸有交通陽維之功。膠有緣合衝任之用。然非助桂以通其陽。不能除寒熱驚癇。非龜鹿二膠並用。不能達任而治羸瘦腰痛。非輔當歸地黃。不能引入衝脈。而治婦人血閉胎漏。至若膠治傷中絕勞。即茸主漏下惡血也。



膠之補中益氣力。即茸之益氣強志也。膠之輕身延年。即茸之生齒不老也。歷攷別錄外臺千金等方。散血解毒居多。非如近世端一溫補為務。殊失聖賢一脈相傳之義。○鹿角霜。治火不生土。脾胃虛寒。食少便澹。胃反嘔逆之疾。取溫中而不粘滯也。古方多製應用。令人每以煎過膠者代充。其膠既去。服之何益。○生角。鑄尖屑。消乳癰腫毒。○煨灰。行崩中積血。○鹿骨。安胎下氣。作酒主內虛。續絕傷。補骨除風。千金鹿骨丹用之。

鹿胎 甘溫無毒。其嘴尾蹄合。與生鹿無異者為真。其色淡形瘦者為鹿胎。若色深形肥者為麋胎。慎勿誤用。能損真陽。又犐胎與鹿胎相類。但色皎白。且其下脣不若鹿之長於上脣也。其他雜獸之胎。與鹿胎總不相似也。入藥取真者。酥炙黃用。發明 鹿性補陽益精。男子真元不足者宜之。不特茸角莖胎入藥。而全鹿丸合大劑。參者桂附。大壯元陽。其胎純陽未散。宜為補養天真。滋益少火之良劑。然須參者河車輩佐之。尤為得力。如平素虛寒。下元不足者。入六味丸中。為溫補精血之要藥。而無桂附辛熱傷陰之患。但慎勿悞用麋胎。反傷天元陽氣也。

麋茸 甘溫無毒。修治與鹿茸同。發明 麋肉大寒。食之令人陽痿。而麋茸大益陽道。以其陽精都聚於角也。其角煎膠。勝於鹿角。茸亦勝於鹿茸。然鹿之茸。用補陽。右腎精氣不足者宜之。麋之茸。用補陰。左腎血液不足者宜之。此乃千古微旨。治虛損有二至丸。兩角並用。但其藥性過溫。偏於補陽。非陰虛者所宜。其麋膠。主治與鹿膠無異。而兼補陰血之功。過於鹿膠。但驗其角大而毛者。即是。惜乎本經但言麋脂瘡癰腫惡瘡死肌寒熱濕痺。四肢拘緩不收。風頭腫氣通腠理。從無及于茸角。

之用。彭錢延齡方有麋角粉。千金變為麋角丸。以麋性喜食葛蒲。故修鍊服食方用之。金匱云。麋脂及梅子。若妊婦食之。令子青盲。男子傷精。皆性冷傷厥陰肝經之驗也。

麋鹿肉 麋肉甘寒。鹿肉甘溫無毒。發明 凡獸之有角者。皆能助肝腎腎力。而麋鹿之角多歧。故力能拒虎。為角獸之冠。則鹿肉之補陽。麋肉之益陰。所不待言。鹿之一身所稟皆陽。最能益人。人以陽氣為主也。麋之一身所稟皆陰。惟角為陰中之陽。較之鹿角純陽無陰倍勝。而週身血肉筋骨。皆不足取。鹿肉之生者。主中風口僻不正。剉碎薄貼僻上。正急去之。不爾復牽向不僻處矣。○鹿血起陰器。止腰痛。療折傷。和酒服。治肺痿崩中。諸氣刺痛。飲之立愈。鹿筋大壯筋骨。食之令人不畏寒冷。但須辨骨細者為鹿。粗者即是麋筋。慎食多致陰痿。○凡服丹石藥人。勿食鹿肉。以其食百草之毒。善解諸藥之性也。

麋 甘寒無毒。發明 麋之性怯畏人。以其膽白易驚也。其肉雖肥。但能悅澤人面。不能助人腎力。以其善躍而無久常之力也。膽能治人粗豪之氣。若人素常膽怯者。為之切禁。其骨主虛羸泄精。麋之稟偏陰。而骨主精氣也。綱目言其甘溫。安有膽白易驚。而性甘溫之理。

麋臍 辛溫無毒。不可犯火。妊婦禁用。力能墮胎。今人以荔枝核燒灰。入燒酒拌和。混充。不可不察。本經辟惡氣。殺鬼精物。去三蟲蠱毒。溫瘧驚癇。發明 麋香辛溫芳烈。為通關利竅之專藥。凡邪氣著人。淹伏不起。則關竅閉塞。辛香走竅。自內達外。則毫毛骨節俱開。從此而出。故本經有辟惡氣。殺鬼精物。去三蟲蠱毒諸治也。其主溫瘧驚癇者。借其氣以達病所也。嚴氏言風病必先用麋香。丹

溪謂風病必不可用。皆非通論。蓋麝香走竅入筋。能通筋竅之不利。開經絡之壅遏。若諸風諸氣。諸血諸病。驚癩癥瘕諸病。經絡壅閉。孔竅不利者。安得不用為引導。以開之通之。惟中風表證未除。而誤用之。引邪入犯。如油入麵。莫之能出。致成痼疾。為之切戒。而救苦丹治壅腫結塊方。用硫黃辰砂入麝煇化。隔紙壓成薄片。以少許灸患處。無不立應。濟生方治食瓜菓成積作脹。及飲酒成消渴者。皆用之。蓋果得麝則壞。酒得麝則敗。此得用麝之理也。

貓 甘酸溫無毒。

發明

貓捕生鼠。虎噉生人。大小雖異。稟性不殊。虎嘯風生。而治風痺腫痛。貓

聲鼠竄。而主鼠癘寒熱。故肘後方取貓肉作羹。消鼠癘結核。已潰未潰皆愈。但助濕發毒。有濕毒人忌之。其頭骨及腦眼酥炙。亦治瘰癧鼠癘。其毛煨存性。傅瘰癧潰爛。貓尿治蛇蝎入耳。滴入即出。以

薑擦貓鼻。或生葱刺鼻取之。屎治痘瘡倒陷。臘月取乾者。燒存性用之。貓胞治噎膈反胃。以純陽之性未散。故取以開陰邪之結也。方用一具。酥炙為末。入腦麝牛黃鬱金各少許。津唾化服之。予嘗以格致之理論物類。貓之體陽而用陰。性稟陰賊。機竊地支。故其目夜視精明。而隨時收放。善跳躍。而嗜腥生。不熱食。而能消化血肉生物。一皆風火用事。得雪水則蠢動。以雪之體陰而用陽。物類相感之應。若此。而食江中鱈魚之骨。其胎必墮。按異物志云。鱈是鰮鳥所化。故腹內尚有鳥腎二枚。與雀入淮水為蛤無異。其肉中細骨如毛。粘腸不脫。而致傷胎。物類感觸之應。則又如此。

狸 甘溫無毒。 發明 狸之與貓。同類異種。以性溫散。故其骨炙灰。善開陰邪鬱結之氣。鼠癘寒熱。為之專藥。千金以肉治遊風。蘇頌作臙治鼠癘。元化取頭骨。千金用陰莖。總取攻毒破結之義。時

珍曰狸骨貓骨性皆相近可通用之。

狼 肉鹹熱無毒。發明 狼脂摩風首推。而本草不錄。亦一欠事。狼肉補五藏。厚腸胃。填骨髓。有

冷積人宜食。○狼性追風逆行。故其矢燒烟能逆風而上。燒灰水服治骨鯁。以其性專逆行。而無阻

滯也。

兔 辛平無毒。妊娠忌食兔肉。合乾薑食之成霍亂。發明 兔無脾。故善走。二月建卯木位。木尅

戊土。故無脾。其肉性寒。能治胃熱嘔逆。腸紅下血。其腦為髓之精。性善滑胎。故兔腦丸為催生首藥。

然須臘月取活兔用之始驗。○兔肝明目。目屬肝。稟氣獨勝。且得至陰之精。可救目暗之疾。其屎謂

明月沙。又名望月沙。治目中浮翳。痘瘡患眼。但瞳人無損者。用以煨灰存性。日口服之。其醫自退。又

方兔屎一味為末。生雞肝搗爛為丸。空腹穀精湯服之。醫厚加雞內金尤捷。兼治勞瘵五疳痔瘻。殺

蟲解毒。黃帝曰。兔肉和獺肝食之成通尸。

狐陰莖 甘平有小毒。發明 狐屬陰類。故其莖主女子絕產。陰中癢。小兒陰癩卵腫。以狐陰善

縮入腹也。

水獺肝 甘鹹平小毒。發明 獺者水獸。水性靈明。故其性亦多智詭。性專嗜魚。魚之生氣都聚

於肝。是以獺肝專主傳尸癆瘵。殺蟲之性與獺之捕魚不殊。蘇頌曰。諸畜之肝皆有定數。惟獺一月

一葉。十二葉間有退葉。斗柄建寅之月。值其氣退之時。反諸為魚所蝕。月令所謂獺祭魚是也。以其

台祭有魚。故中景台令勞。有獺肝丸。崔氏治蠱症。亦有獺肝丸。孟詵云。症病一門悉患者。以獺肝一

具火災。水服方寸匕。日再服之。葛洪言。尸疰乃五疰之一。病則使人寒熱。沉沉默默。不知病之所苦。無處不惡。積月累年。淹滯至死。死後復傳他人。乃至滅門。覺有此候。惟以獺肝一具。陰乾為末。水服方寸匕。三以瘞為度。如無獺肝。獺爪亦可應用。小兒鬼疰。及諸魚骨鯁。皆燒灰酒服。獺肝之用。當不出乎此也。

山獺莖 甘熱無毒。發明 山獺稟南與純陽之氣。故其性最溫。專主陽虛陰痿精寒。山中有此。凡牝獸皆避去。獺無偶。則抱木而枯。凡女春時入山。獺聞婦人氣。躍來抱合。牢不可脫。因扼殺而取之也。

膾胸臍 一名海狗腎 鹹大熱無毒。以漢椒樟腦同收。則不壞。發明 和劑局方。治諸虛損。有膾胸臍

丸。滋陰丸。藥中用之。精不足者。補之以味也。今人多於房術方中用之。亦可同糯米法。麴釀酒服。但功專補陽。陰虛切忌。此物牝者最多。而牡者絕少。海州人捕得牝者。以家狗外腎。用筋縫上。慰貼如生成無二。然牝戶與穀道連合為一。雖用生筋縫慰。其孔較牡者大而且長。以此辨之。最為有據。

牡鼠 甘溫無毒。取膽法。用活鼠繫定。熱湯浸死。破喉取膽。真紅色者是也。誤食鼠噉之餘。令人發瘰癧。以貪慾之火。蘊精饒涎也。發明 癸水位在於子。通氣於腎。其目夜明。其精在膽。故膽能治耳聾目盲。睛能明目。骨能生齒。皆益腎之驗。肘後方治三十年老聾。卒聾不過三度即愈。令人側臥。

瀝膽汁入耳。盡膽一枚。須臾汁從下耳出。初時益聾。十日後乃瘥也。生鼠血。蘸青鹽擦牙。宣有效。初生小鼠。香油浸腐。化取塗火燙致。少水能制壯火也。若生毛則不能消融矣。牡鼠。真俗名兩頭尖。驗

其真者方是牡鼠之矢。入足厥陰少陰。故煮服治傷寒勞復陰陽易腹痛。研末服治乳癰。燒灰存性。傅折傷疔腫。所主皆厥陰血分之病。又犬咬先洗去牙垢惡血。用鼠糞炒研。黑糖調塗即愈。

猬皮 苦平無毒。細剉炒黑。或酥炙用。本經主五痔陰蝕。下血不止。陰腫痛引腰背。酒煮殺之。

發明 猬者胃之獸也。故肉治反胃胃脘痛最捷。其皮除目中腎障。本經主五痔陰蝕。取其銳利破血也。酒煮治陰腫痛引腰背。取筋脈能收斂也。南方金蠶蠶用猬皮為末。酒服探吐之。猬腦猬肝。治瘰癧狼漏。千金方用之。但不可食其骨。令人瘦劣。

人部

髮 苦微溫無毒。揀去白者。先用滾水洗淨。入煬成罐。外用鹽泥固濟煨。候內外罐通紅。冷定研末。置地去火毒用。本經主五癰關格不通。利小便水道。療小兒驚。大人瘞。仍自還神化。發明 髮者血之餘。故能治血病。雖曰補真陰。療驚癇。理欬嗽。固崩帶。止血暈。而實消瘀生新。能去心竅惡血。並煨過服。若煨之不透。反能動血。合雞子黃香油煎之。消化為水。則治小兒胎驚。及塗癩瘡有效。用入膏藥中。則長肉消瘻。本經治五癰關格不通。利小便水道。皆取其利竅散瘀之功。其療小兒驚。大人瘞。以能達肝心二經。開通瘀血之滯也。仍自還神化者。言服自己之髮。則勝用他人之髮也。但胃虛人勿用。以其能作嘔瀉也。亂髮功用。與此不殊。而剝下者尤勝。取長之速也。小兒胎髮煨灰。大解胎毒。而補先天血氣。以純陽未離也。

頭垢 鹹苦溫小毒。發明 頭垢乃相火之餘氣結成。專開鬱結之氣。乳癰初起。煨灰酒服即消。

以其善祛胃中積垢也。

人乳汁 甘鹹平無毒。發明 乳汁治目之功甚捷。目得血而能視。乳即血之源也。用以點眼。豈

不相宜。老人服食尤良。但脾虛易瀉者勿食。日中曝乾。入參苓丸服。尤為合宜。

爪甲 甘鹹小毒。發明 爪乃肝氣之餘。其性銳利。故能催生下胞衣。利小便。治尿血。及陰陽易

病。破傷風。去目翳。刮末治鼻衄。嚙之立止。又能治乳蛾。用爪指甲不拘多少。煨為末。蓬砂白礬各一

錢。西牛黃一分。烏梅白梅肉各五枚。共搗如泥。含彈大一丸。痰大湧出。三四丸即愈。但其方酸收太

速。不無萌發之患。莫若探吐頑痰。迅掃病根為愈。

人牙 甘鹹熱有毒。發明 牙乃腎之標。骨之餘。痘瘡倒壓。用人牙散。因痘瘡為風寒穢氣所觸。

而變黑倒壓。用此煨灰。以酒麝達之。竄入腎經。發出毒氣。乃刮劑也。若伏熱在心。昏冒不省人事。及

氣虛色白。瘡塌不能作膿。熱癰紫泡之證。正宜涼血解毒。苟誤用之。則鬱悶聲啞。反成不救。臨證審諸

人中黃 甘鹹寒無毒。造法用大竹截段。兩頭留節。削去外皮。傍鑽一孔。用甘草細末。入滿於中。以

蕉扇柄削圓塞孔。冬至浸大真池內。立春後取出。懸風處晒乾。取用。又法如前製竹。不入甘草。但用

蕉扇柄或杉木塞孔。浸真池中。以取其汁。與金汁無異。僅供一時取用。不能久藏。真清亦解溫熱諸

毒。又誤食毒菌。楓樹上菌。及過食銀杏。脹閉欲死者。悉能解之。并解砒石野葛野芋等毒。即家芋三

年不收。花開如蓮者。亦能殺人。急取灌吐。方可得生。發明 人中黃取真土之精。以解天行狂熱。

溫毒發斑最捷。然汁則性速而能下泄。甘草製者。則性緩而能解毒。兼治河豚菌毒。一切惡瘡。災病。

用人中黃酒大黃末等分。無灰酒服。須臾瀉利。毒即隨出。雖大渴不可飲水。飲水則毒邪不散而難救也。急切不可得。以真坑垢代之。

金汁 苦寒無毒。臘月取真。置罈中。埋土內。越三年。取出如水者是。發明 金汁得土氣最久。大

解熱毒。故溫熱時行。昏熱勢劇者。用以灌之。下咽其勢立減。初生小兒。週時內毒邪不散。服一二合。

勝化毒丹。胎毒盡解。無痘疹患。此屢驗者。但胎稟虛寒。體瘦色白者。不可誤用。誤用反奪天真。多致

夭枉。不可不審。園叟用以灌諸草木。即花葉茂盛。且無過壅傷花之患。

乾真灰 鹹平無毒。發明 人屎取乾者煨灰。治小兒痘瘡黑陷。解時行大熱狂走。蜜調塗疔腫。

拔毒出根。總取解毒之迅耳。

溺 鹹寒無毒。童子者佳。不可見火。見火則腥臊難服。發明 人溺瘵寒熱頭疼。取其鹹寒降泄

也。有客邪。沖熱葱頭湯服之。汗出即止。而童子小便性純。一切熱勞吐血。陰虛火動。骨蒸勞瘵。用以

降火最速。產後血暈。溫飲一杯。壓下敗血。惡血即蘇。蓋澁溺滋陰降火。消瘀血。止吐衄諸血。每用蓋

許。入薑汁一二匙。徐徐服之。久自有效。然須乘熱服之。以接生陽之氣。冷則生氣散矣。時珍云。童便

入胃。隨脾氣上歸於肺。通調水道。下輸膀胱。乃其舊路也。故能清肺。導火下行。若多服久服。亦能損

胃滑腸。故食少便溏者禁用。傷寒少陰證下利不止。厥逆無脈。乾嘔欲飲水者。加人尿猪膽汁。鹹苦

寒物於白通湯。薑附藥中。其氣相從。可無格拒之患。但胃虛欲作嘔者。勿與。恐助嘔勢。反致不測也。

溺白堊 即人 鹹平無毒。煨過用。發明 人中白能瀉肝火。膀胱火。從小便中出。蓋膀胱乃其故

本經 卷四 人部



道也。令人病口。古諸瘡用之有效。降火之驗也。但積垢之滓。僅堪滌熱。略無益陰之功耳。

秋石 鹹溫無毒。陰煉。秋石法。將大缸一隻。近底三寸許。艾火燒三十餘炷。打成一孔。杉木塞之。積至月餘。用絹篩。襯紙瀝乾收之。○又陰收秋石法。將鉛毬大小數十枚。俱兩片合成。多鑽孔眼。入尿桶中浸。每日傾去宿尿。換溺浸之。經秋收取。置鉛罐藏之。此法最勝。○陽煉秋石。將草鞋數百隻。舊者尤佳。長流水漂晒七日。去黃色。浸尿桶中。日晒夜浸。一月許。曝乾。烈日中燒灰。須頻挑撥。令燒盡。滾湯淋汁。澄數日。鍋內燒乾。重加雨水煮溶。篾笊紙數重。濾淨。再澄半月餘。銀缶器內煮乾。色白如霜。鉛罐收之。○又陽煉法。以童子小便。入鍋熬乾。其鍋先燒通紅。香油熬過洗淨。則不粘滯。傷鍋初如油脚。入煬成罐。或小鐵釜中。煨通紅。用熱水焙。置有嘴壺中。將草掩塞壺口。徐徐傾出。下以竹箒。襯紙濾清。再以文火收乾。鉛罐收之。則不溶化。○又煉秋石法。以秋石入秋露水。煮化。入煬成罐內。新鐵蓋蓋定。鹽泥固濟。昇打三炷香。取出再研。如前昇打。蓋內用水徐徐塗之。水不可多。多則不結。又不可少。少則不昇。從辰至未。退火冷定。蓋上昇起者。為秋石之精英。真虛羸之神丹也。○凡人力製造之藥。每多偽充。而秋石之真者。尤不易得。有以食鹽濾水。煮成者。有以朴硝溶化製造者。有以酸硝焯化。傾成錠式者。其偽不一。苟非雇庸督製。總難輕用也。試真偽法。入滾豆腐漿中。不結腐花者為真。若結者即鹽之偽充也。入口令人作渴。入滾豆腐漿中。起水紋而微苦者。即玄明粉之偽充也。入腹令人作瀉。其傾成錠式。入熱水不易化者。即酸硝之偽充也。下咽令人發熱。又以秋

石化水入青菜葉。有頃色不痿者為真。又以少許入眼不澇痛者。必真無疑。其淡秋石入滾水不化者。即熟石膏末及滑石末混充也。發明 秋石以秋命名。專取秋氣下降之意。他時製者。功力則殊。製法以童溺煨煉。去其鹹寒。轉成溫補。能滋陰降火。而不傷胃。補益下元真火。散瘀血。助陰精。降邪火。歸真陽。止虛熱。嗽血。骨蒸。勞瘵之仙品也。火盛者宜生宜淡。陰虛者宜熟宜鹹。凡勞瘵陰火亢極。而不受參者。補益者。立秋石丸三方。次第施治。或服或噙。則喘效。氣息漸平。疾亦易出。嗽亦省力。以其性味鹹降。而無上逆之患也。先用薑汁炒黑。大黃淨末。與秋石等分。煮紅棗肉為丸。空心服三錢。清熱散血。次用貝母。秋石末各等分。生甘草末減半。仍用紅棗肉為丸。服之。以止咳消痰。後用人參。秋石等分。炙甘草末減半。亦棗肉丸。以補氣安神。製劑之多少。隨痰熱元氣而施。不可限以分兩。其陰煉淡者。性最下滲。苟非陰分熱極。難以輕投。陰虛多火。小便頻數。精氣不固者。誤服。令人小便不禁。甚則令人夢泄。其鹹者可代鹽。藥物食之。喘效。煩渴不得寐者。以半錢匙。衝開水服之。即得安寐。覺時滿口生津。亦不作渴。補陰之功可知。陰煉淡秋石。治夏暑熱淋。小便不通。及濁淋。沙石淋。肉淋。老人絕慾太早。小便淋瀝。瀉痛。一服即效。

紅鉛 鹹大溫無毒。即室女初通經水中之結塊。如櫻桃者是也。發明 紅鉛流穢之餘。其性大熱。峻補命門。淫火。陳酒服一枚。少頃蒙昧如醉。若連服二枚。則邪火內拒。令人暴亡。壯火食氣之驗也。天靈蓋 鹹溫小毒。制法以香水滌淨。酥炙杆細入藥。或煎酒。或煨末。隨證取用。忌鐵器。發明 腦為髓海。諸陽之會。能辟一切陰邪不正之氣。故曰天靈。凡人身中氣血安和。諸邪不能侵犯。陰陽

乖戾。則屍疰之氣。得以乘虛襲入。是即瘖蟲之根氣也。若其人平昔陽衰。則蟲攻脊脈。脊中淫淫作癢。隱隱作痛。轉側不能自安。或時凜凜畏寒。或時翕翕發熱。手足四末常清。脈來弦細乏力。非天靈蓋散不能療之。若其人素稟陰虛。則蟲蝕藏府。胸中嘈雜如饑。默默不知所苦。無處不苦。動則時效時嘔。靜則善寐善忘。面上忽時烘熱。脈多弦勁搏指。此屬癩肝丸證。非天靈之所宜。其天靈散方。用炙淨三指大一片。赤橫柳三枚。白甘遂麝香真安息各三分。阿魏二分。辰砂一分。搗羅為散。桃枝煎湯。五更調進一服。約人行十里。蟲不下。再進一服。天明進第三服。取下蟲物。急擒入油鑊熬之。其蟲嘴黃赤者。可卜病人血氣未艾。治之可愈。青黑白者。血氣已竭。治之難已。然亦得斷傳染之病。凡修合勿令病人知。擇僻淨處。忌雞犬婦人孝服者見。蟲下後。忌肥鮮及鹽半月。白粥調養漸安。如病久不勝。甘遂阿魏等攻逐。只以天靈蓋香水滌淨。仰置銀缶器內。盛以醇酒。隔水煮一官香。酒耗旋添。候一炷香足。取酒服之。少頃頭旋顛脹。瘖蟲隨嘔吐出。即以燼火燎之。將養三日後。取前蓋骨製服。如前蟲盡。即以蓋骨仍埋舊處。其炙淨細末。并治小兒痘瘡。反白。臨伏不長。煩躁不寧。酒服四五分即起。然皆不得已而用之。至於傳下部疔。入枯痔散。乃以人之至高之骨。置之污下不潔之處。雖極其神驗。殊非仁人君子之用心。舍此豈無他藥可治乎。

人胞

即紫河車

甘鹹溫無毒。取厚小色鮮者。挑去血絡。漂淨血水。入椒一握。沸湯泡去腥水。以蜂蜜和

長流水。於舊錫器內。隔水文火煮爛如糜。綿絞去滓。代蜜糊丸藥良。

發明。紫河車稟受精血結

孕之餘液。得母之氣血居多。故能峻補營血。用以治骨蒸羸瘦。喘嗽虛勞之疾。是補之以味也。自丹

溪極言其功。而吳球創大造丸。雖世所推重。然方中生地黄柏。天冬麥冬龜版。一派滋膩傷胃之品。雖有人參一味。反助羣陰之勢。服之每致傷中嘔泄。未見其可。惟水類鈴方。河車丸方。用人胞一具。山藥二兩。人參一兩。茯苓五錢。酒糊為丸。近世改用鮮者。隔水煮搗作丸。尤為得力。即虛人服之。未嘗傷犯胃氣。

胞衣水 鹹潤微涼無毒。臘月取紫河車。置有蓋瓦罐內。深埋土中。臨用取出。不可留久。久即乾矣。或與生甘草末同入罐中。埋於土中。三五年後掘出。即為藥也。發明 胞衣之性本熱。而得土氣之化。善能攝火歸元。小兒丹毒。諸熱毒發。寒熱不歇。狂言妄語。頭上無辜髮豎。虛痞等證。天行熱疾。咽痛及虛勞咽痛。飲之立効。反胃久病。飲一鍾。當有蟲出。

初生臍帶 發明 臍帶者。人之命蒂也。用以煨末。入硃砂少許。蜜水調服。以解本嬰之胎毒。與內傷之用骨灰無異。

胎元 鹹大溫小毒。發明 胎元雖墮下胎息。淫火未離。天真未剖。較河車之性倍甚。古方鮮用。惟金剛丸用之。惟以人補人。然獸相食。且人惡之。况人食人。能無惻怛之念乎。